




43941 / B

H x 1

8 1/2

}







5535

AVGVSTI GOTTLIEB RICHTERI D.

Medicinae Profefloris Publici Ordinarii ,  
Societatis Regiae Scientiarum Gottingensis, et Academiae Regiae  
Scientiarum Suecicae Membri

OBSERVATIONVM  
CHIRVRGICARVM

Fasciculus Secundus.



---

GOTTINGAE,  
APVD JOANN. CHRIST. DIETERICH,  
1776.

Handwritten text and a library stamp at the bottom of the page, including the word "BIBLIOTHECA" and some illegible numbers and names.

AVGVSTI GOTTLEB RICHTERI D.

Medicus Professor Publicus  
Universitatis Lipsiensis et  
Societatis Medicorum

# CHIRURGICARVM OBSERVATIONVM

Falschius Secundus.



GOTTINGEN

VERLAG VON HANNOVER



**VIRO CELEBERRIMO**

**PERCIVALL POTT**

**NOSOCOMII MAGNI SANCTI**

**BARTHOLOMAEI DICTI**

**CHIRVRGO PRIMARIO**

**SOCIETATIS SCIENTIARVM**

**LONDINENSIS**

**M E M B R O**



CHIRVIR O

DE RE CHIRVRGICA

PRAECLARE MERITO

ITOM MANQICHTAE

HAS PAGELLAS

CHIRVIR O MANQICHTAE  
IN PERPETVI CVLTVS

MONVMENTVM

DICAT

AVCTOR.



## PRAEFATIO.

**O**mnes fere, quas hic Fasciculus complectitur, observationes, si vnam alteramque, illam scilicet, de polypis, aliamque de noua Cataractae extrahendae methodo, excipis, Regiae scientiarum societati a me oblatae sunt, et in Illius Nouis Commentariis iam exstant. Ex magno autem hoc opere, in quo quasi latent, illas iterum extraxi, et in hunc fasciculum collegi, vt,

quicquid boni illis forsan inest,  
facilioris, commodiorisque usus  
sit. Ceterum si, quod offero,  
adferre aliquid, quantillum etiam  
sit, ad artis Chirurgicae incre-  
mentum videtur, egregie laeta-  
bor.

---

# TABVLA CAPITVM.

---

## CAPVT I.

De Herniis, pag. 1.

## CAPVT II.

De Cirfocele. p. 22.

## CAPVT III.

De Tracheotomia. p. 32.

## CAPVT IV.

De morbis Sinuum frontalium. p. 44.

## CAPVT V.

De Amaurosi, p. 62.

CA.



---

CAPVT VI.

De Cataractae extrahendae methodo noua.  
p. 88.

---

CAPVT VII.

De Staphylomate. p. 104.

---

CAPVT VIII.

De Polypis. p. 126.





## C A P V T I.

### *De Herniis.*

**M**irum saepissime mihi visum est, egregia illa efficaciaque remedia, quae ad soluendam herniam incarcerationam laudantur, raro satis aliquid praestare; saepissime ad ultimum illud remedium, ad operationem scilicet chirurgicam confugiendum esse. Huius quidem rarioris successus causam in eo imprimis quaerendam esse, ego quidem reor, quod ratio non satis habita hucusque fuit, variarum incarcerationis specierum, quae adeo sane inter se discrepant, ut, quod prodest in hac, noceat in illa. Sane quicquid remediorum hucusque laudatum est contra herniam incarcerationam, adhibitum fuit in quolibet casu promiscue, et necessario itaque saepe profuit, saepe nocuit. Inde ego, quicquid

A

quid obseruasse mihi contigit, quo varias species incarcerationis accuratius determinem, cuilibetque suum, quod poscit, remedium accuratius indicem, breui enarrabo.

Tres esse incarcerationis species, ego quidem arbitrör. *Lentam* voco priorem, quae ab accumulatione fecum oritur. Occurrit illa inprimis in herniis magnis et vetustis, saepe repositis, saepeque prolapsis. In his enim languet intestinorum e sede sua naturali deturbatorum, robore musculorum abdominalium non amplius suffultorum, sed laxa scroti cute circumdatorum, motus et vis propellens, lente et non sine difficultate transeunt delapsae in scrotum feces laxa languidaque intestina, inprimis autem, dum ad anulum abdominalem, vt redeant iterum in abdomen, perueniunt, obstaculum reperiunt, vnde morantur in hernia, accumuluntur, exsiccantur, tandemque intestina adeo distendunt, vt reponi nequeant, adeo irritant, vt dolor, inflammatio et gangraenae periculum oriatur.



Intumescit primum hernia in hoc casu, durior fit, ponderosiorque, et aluus clauditur, antequam dolor et febris vrget, et tota accedit symptomatum cohors, quae hernias incarceratas comitari solet. Praesens raro hic metuendum est periculum, nam lente increscit vis morbi.

Alteram speciem *acutam inflammatoriam* voco, cum celerrimus sit morbi in exitium transitus, statim ab initio dolor acutus inflammatorius vrgeat, et febris cum inflammatione ipsa statim subsequatur. Argui hic debet constrictio partium prolapsarum in superiori parte sacci herniosi, qua suffocatur motus humorum per illas, et inflammatio excitatur in gangraenam praeceps.

In parua recentique hernia haec incarcerationio inprimis metuenda est. Saepissime oritur eo ipso momento, quo vi quadam intestinum per anulum abdominalem protruditur, et hernia primum oritur; cum integras vires in intestinum prolapsum exerceat annulus vi subito dilatatus, mox autem dein violenter se ite-

rum coarctans. Acutissimus plerumque hic morbus est, intra paucas non raro horas exitialis. Corripit tamen etiam hoc malum hernias iam natas prolapsas, dum sub nisu vel alia ex causa in annulum prolapsis intestinis iam repletum, noua portio intestini vel omenti vi protruditur, ut annulus supra modum dilatatus comprimatur iam partes prolapsas.

Fieri quoque potest, ut dum hernia reposita, sub nisu vehementiori, vel seposito brachierio, prolabitur iterum, incarceratione oriatur, vel quia plus iam prolabitur, quam prolapsum erat ante, vel quia, quicquid prolabitur, adeo conuoluitur, ut claudatur intestinum, vel adeo distendatur annulus, ut iam nimis angustus euadat, et comprimatur partes prolapsas. Silentio praetereo ceteros modos, quibus haec incarceratione oriri potest, cum cogniti satis sint.

Statim ab initio hic adest dolor et febris acuta, parum intumescit hernia, sique sub progressu symptomatum incrementum tumor, durus ille non est, sed elasticus,



sticus, tensus, tandem ad leuem contactum acute dolens. Vehementia sunt breui tempore omnia symptomata, celerimumque illorum est augmentum. Neque haec itaque species difficulter dignoscitur.

Tertiam incarcerationis speciem *spasticam* appello, cum sola illius causa spastica quaedam affectio sit. Atque haec quidem, nisi fallor, cognita minus, neque obseruata nec descripta satis est, vnde de illa verba inprimis facturum sum. Oriri autem vere ex spastica affectione subinde incarcerationem, sequentia probant.

Subinde obseruauimus, et obseruarunt etiam alii, symptomata, quae herniam incarceratam comitantur, non eadem semper vehementia aegrum angere, paululum subinde remittere, immo per aliquot horas penitus filere. Feminam vidi, viginti quatuor annorum, hernia crurali incarcerata laborantem, quae quidem vehementissimis torquebatur cruciatibus, subinde tamen per vnam alteramque horam tranquilla erat, libere respi-

A 3 rabat,

rabat, neque vomebat, neque singultu vexabatur, imo ne de dolore quidem querebatur.

Fallaces sunt hae morbi induciae, eo magis plerumque metuendae, quo longiores sunt; filet enim malum, ut paullo post eo vehementius insurgat. Spasimum in tali casu subesse, cui solemne est, remittere subinde, dein autem redire, verosimillimum est; ceteras sane incarcerationis causas argui hic non posse, concedes, cum constanter illae agant, nec ullo modo explicari possit, quomodo actio illorum filere aliquando, aliquando vero iterum apparere possit. Fac enim annulum, ut in secunda specie, nimis angustum esse; quid est, quod impediatur, quo minus ille constanter in partes prolapsas agat? Fac onustam esse stercorebus flatibusque herniam: quid est cur fileant aliquando natae inde molestiae, aliquando redeant? Spasticas autem affectiones saepe redire, saepe filere, quis est, qui ignorat?



Suspicionem, spastici aliquid non raro subesse herniis incarceratis, sequens in primis casus primum mihi mouit. Iuuenis viginti circiter annorum hernia scrotali a decimo aetatis anno affectus, noctu sponte corripitur doloribus in hernia, mox totum abdomen afficientibus, aliisque signis herniam incarceratam comitantibus. Dolorum vehementia expergefactus statim, uti solebat, herniae repositionem, ast frustra tentabat: vnde per 24 horas malum celat, dolores diros fert, saepeque, ast frustra tumorem reprimere studet.

Tertio die mane ego aduocor. Anxium summopere, inquietum, doloribusque in abdomine et hernia confectum aegrum, abdomen tensum, tumidum, non vero durum, neque ad tactum valde dolens, pulsum gracilem, respirationem interceptam, extrema frigida reperio. Adhiberi statim, quicquid remediorum contra hoc malum laudatur, iussi, repetitisque vicibus herniam reponere quouis modo allaborauit. Frustra his per duas fere horas peractis, abiit, et salis anglicani paruas repetitasque doses

praescripti. Post meridiem hora quarta omnia eodem in statu reperi; iterum taxin, aſt fruſtra tentauit; et nouis his experimentis deſaſſatus abii, pulſtemque ex flor. camomill. et ſemin. lin. abdomini et ſcroto imponi iuſſi. Hora vespertina IX. iterum adii aegrum, et dum taxin iterum tentarem, facile herniam reſoſui, totumque malum ſuſtuli. Mirabundus quaefiui, quid interea temporis, dum abſueram, cum aegro peractum eſſet; reſpondertint autem, illum perpetuo dorſo incubuiſſe, neque quidquam actum fuiſſe, quod vel nocere, vel iuuare potuiſſet; ceterum vero cataplaſma omni hora renouatum eſſe.

Mirum fane erat, malum tam rebelle, omnibusque tentaminibus ſedulo fane adhibitis reſiſtens hora pomeridiana quinta, intra quatuor horas ſponte, nam nil interea temporis factum erat, quo cauſſa morbi tolli potuiſſet, adeo manſueſciſſe, vt iam leuiſſima vi ſtatim reponeretur. Sane, niſi ſpaſmum quendam, qui vel ſponte, vel uſu cataplaſmatis ſublatus eſt, hic latuiſſe concedis, neſcio, qualem aliam cauſſam hic arguere velles.

Alia



Alia haud diu post opinionem meam de spastica herniarum incarceratione confirmandi, occasio se mihi obtulit. Pauperculus 50 circiter annorum, hernia crurali adeo adhaerente, vt per aliquod iam tempus reponi non amplius posset, super tres iam dies, nescio qua occasione, incarcerationata laborans, maleque curatus, meum tandem implorat auxilium. Conclamata fere omnia, dum illum adirem, esse videbantur. Frigidissimae erant extremitates, sudoris frigidi magnae guttae faciem obsidebant pallidam collapsam, vox erat intercepta, respiratio summe anxiosa, vomitus et singultus urgebant, hernia dolebat, magis vero regio abdominis epigastrica, pulsus vix ac ne vix quidem percipi poterat, adeo erat tenuis et contractus. Inter haec cum dolor non adeo vehemens erat, immo ne ad contactum quidem, periculum ab inflammatione instare non credidi, vnde aegrum in femicupium immitti, inde in emplastrum vesicatorium abdomini imponi iussi, interne vero solutionem salis anglicani cum oleo lini et duobus granis opii praescripsi, quam intra 4 horas

deglutiuit aeger, tam egregio cum successu, vt pulsus maior euaderet, extrema incallescèrent, dolores euanescerent, clystere injecto aluus exoneraretur, hernia minor, et mollior esset, et aeger intra paucos dies conualesceret.

Quis est, qui negat, ex spastica affectione hunc virum aegrotasse? Certe inflammationis vrgentis signa haud aderant, neque sane fecum accumulatio: quicquid apparebat morbosum, spastica erat indolis, quicquid remediorum iuabat, antispasmodicae erat virtutis. Neque est, quod obiicias, totum hunc morbum, non herniam incarceratam, sed ileum ex spasmò fuisse, cum statim sub initio morbi intumesceret, et doleret hernia, remoto morbo mollesceret, decresceret, que euanescente dolore. Reponi quidem non poterat sublato morbo, cum adhaereret sacco pars prolapsa, et jam ab aliquot mensibus reponi non potuerit.

Luculentius adhuc binis prioribus tertius probat casus, spasticam dari incarcerationem. His, quae narraui, attentior fa-



factus, per duos fere annos sedulo animaduerti, annon simile quid obseruarem. Quicquid vero occurrebat herniarum in carceratarum, tam luculenter ad priorem vel posteriorem pertinebat speciem, ut nil amplius de tertia constaret. Tandem vero vetula herniam cruralem intestinalem incarceratam habens consilium a me petiit. Statim ab initio morbi vomebat, anxie respirabat, pulsus quam maxime constrictum, extrema frigida habebat, aluumque pertinaciter clausam. Hernia, quae die praecedente facile reponebatur, iam nullo modo reponi poterat, tumida erat, solitoque maior, dolebat, haud tamen acute. Atque haec quidem omnia post terrorem, quem puer epilepsia correptus incusserat, orta erant.

Memor eorum, quae iam enarraui, nil fere inflammatorii obseruans, causamque considerans neruorum systema afficientem, statim duo grana opii et castorei tam egregio cum successu exhibui, ut post tres horas, quicquid mali aderat, euanesceret, cumque redirem, herniam facillime reponerem.

Haec



Haec fere sunt, quae obseruare de hac re contigit. Ceterum circumspecti Chirurgo plura occurrere puto, quae veri aliquid inesse sententiae meae probant. Qui de hernia incarcerata loquuntur, de inflammatione herniae tantum loqui videntur. Quicquid metuendum hic est, ab inflammatione et gangraena metuendum esse, quicquid apparet, inflammatoriae indolis illis esse videtur. Non raro tamen summe urgente morbi vehementia parum immo nil inflammatorii obseruabis; quicquid apparet, spasticae affectioni soli tribui non raro debet.

Obseruabis sane subinde respiracionem summe anxiam, abdomen durum, tensum, tumidum, extrema frigida, vomitus, singultum, summam inquietudinem, anxietatem, pulsum adeo contractum, ut vix percipi possit, et inter haec parum doloris, mitem imo nullam febrem. An quaeso haec est imago morbi inflammatorii? annon potius luculenter spastici?

Caussa mortis aegrotorum, qui hernia incarcerata pereunt, sphacelus partis

tis prolapsae esse dicitur. Non vero semper huic, sed aliis aliquando caussis mortem horum aegrotorum tribui debere, persuasissimum mihi est. Dissecui aliquando corpus feminae hernia crurali mortuae, et inueni in hernia paruum portionem ilei intestini, neque ruptam neque putridam, nil morbofi habentem, si insignem friabilitatem excipis, quae mediocrem contrectationem sine ruptura haud ferebat. Idem in cadauere iuuenili obseruavi, in quo minima tantum portio intestini ilei incarcerata erat. Si hanc friabilitatem pro signo gangraenae habes, non erras, dubitabis tamen, leue hoc gangraenae initium mortem peperisse, quam longe vehementiorem sphaceli gradum non peperisse experientia docet. Quoties aegros seruauit Chirurgia, quibus pars intestini plures pollices longa sphacelo correpta penitus computruit? An letale itaque esse putas, leuissimum in parte intestini minima gangraenae initium? Annon tales aegros vniuersali neruorum distentione subinde potius periisse dixeris?

Cuius.



Cuiusnam autem indolis spastica haec affectio, quam subinde causam incarcerationis primariam esse dixi, sit, accuratius determinare vix audeo; sufficit, remedia, quae spasmos solvunt, in tali casu morbum tollere. Interim subinde argui videtur posse spastica annuli abdominalis constrictio. Non est, quod obicias, anulum tendinosum vi se constringendi praeditum non esse; sufficit enim spasmō constringi musculos abdominales, quorum propagines fibrae tendinosae sunt, quae anulum constituunt. Hancque spasticam tensionem prodere videtur durities et tumor abdominis statim ab initio morbi animadvertendus sine dolore. Subinde vero spasmus minus anulum, quam intestina ipsa afficere, subinde causam potius in peruerso intestinorum motu peristaltico, quam annulo vehementer constricto quaerendam esse, probat observatio, clysteres iniectos certissime aliquando vomitu reiectos esse.

Cuiuscunque indolis spasmus sit, quocunque demum in loco ille lateat, antispasmodica remedia hic requiri dubium



biū non est. Pertinent huc cataplasmata et fomenta emollientia herniae totique abdomini imposita, quam recentior Chirurgorum observatio male penitus damnat, adstringentia frigidaque praeferens. Certissime largior, tepida haec emollientia, ubi fecibus flatibusque ingentem in modum hernia est distenta, nocere, sane nullo modo iuuare posse; facile largior, vix scopum attingere, qui externis his emollientibus annulum, qui partes prolapsas comprimit, relaxare, emollire student, cum vix penetret ad illum, certe parum valeat in tendinosam hanc partem vis illorum emolliens; certissime vero constat, et quicquid etiam recentiorum aliqui promiscue et indeterminate obiiciant, egregie haec remedia emollientia (expertus ipse loquor) subinde profuisse; et ego quidem puto, ubi profuerunt, relaxante et antispasmodica sua vi profuisse, morbum semper totum vel partim affectione spasmodica excitatum fuisse. Certe in specie illa incarcerationis, de qua hic loquor, nocere adstringentia illa a recentioribus quibusdam tam promiscue laudata, nemo negabit.

Ne-

Neque alia egregia antispasmodica in tali casu negligenda sunt, inter quae in primis refero balnea ipsa tepida, vsum internum olei lini adeo quibusdam laudatum, linimentum volatile abdomini herniaeque infricatum, ipsa quoque vesicatoria abdomini vel herniae imposita. Huc etiam referri opium debet, cuius audax dosis ad gr. ij intra 3 horas sumpta egregie profuit. Qui quamcunque herniam incarcerationam pro morbo inflammatorio habent, metuunt sine dubio vsum huius remedii; neque metuendum illum quam maxime in priori et secunda specie incarcerationis esse, nego; prodesse autem subinde, obseruatione probaui.

Neque alii desunt, qui vsum opii in hernia incarcerationata extollunt, magni viri, quanquam casum, vbi conuenit, non satis determinent. Ita celebris *Tralles* in *Tractatu de Opio*, Sect. II, p. 265 „*nil*  
„*equidem*, inquit, *ad repositionem her-*  
„*niae opium facere videtur, id tamen, mo-*  
„*do incarcerationi tollendae sedulo nauetur*  
„*opera, vomitibus et doloribus interim le-*  
„*uandis, inflammationisque ortui et au-*  
„*gmento*



„gmento auertendo pulcre conducere, spasmorumque vi aliquatenus mitigata repositionem ipsam faciliorem reddere, saepius animaduerti.”

Et illustris van SWIETEN in Commentar. T. I. p. 744 „in casu, ait, ubi ab hernia suffocata gangraena metuitur, audacissima venae sectione sic debilitandus aeger est, ut inflammatio hic nata careat urgente motu vitae, deinde narcotica dentur parua dosi simul, sed quavis octaua horae parte, donec induciae fiant.”

Ceterum ipsi illi herniae, quae ex spastica affectione incarceratur, sensim accedere veram inflammationem partium prolapsarum male mulctatarum, non est, cur moneam: ut itaque opii usus eo tutior sit, eo certius iuuat, quo malum recentius sit; sub progressu autem morbi, ubi inflammatio accedit, caute, et non nisi inter remedia antiphlogistica, et post Venae sectionem exhibendum sit istud medicamentum.

Radicem ipecacuanhae parua dosi exhibitam egregiam possidere vim spas-



mos primarum viarum confopendi, aliquando summa cum voluptate comperi. Iuuenis ad colicos dolores valde pronus corripitur summo dolore colico constringente, vago primum hinc inde, dein in dextro latere se figente adeo atroci, ut fere animo linqueretur; aderat simul pertinax alui obstructio variis purgantibus et 12 clysteribus non cedens, summa anxietas, vomitus, singultus, pulsus contractus, extremorum frigus. Dolor ad externam pressionem non increfcebat. Postquam semicupia, fomenta emollientia, linimentum volatile, vesicatoria abdomini applicata, clysteres, inter quos valde acres, vnus ex fumo tabaci, erant, venaesectio, oleum lini cum sale anglicano, frequenti ast parua dosi, cum binis granis opii, frustra per 6 dies tentata fuissent, aegrique res iam conclamatae esse videbantur: incidit in mentem ipecacuanha, cuius singularem virtutem breui ante apud alium aegrotum, morbo quodam ex spasmis orto laborantem, summo cum successu exhibueram. Dedit igitur quauis dimidia hora dimidium granulum radicis ipecacuanhae cum sacharo.

Con-

Consumtis huius radicis granis 6 in somnum incidit aeger et per aliquot horas blande dormiuit. Expergefactus omnem dolorem abesse laete dicit. Iam vero statim clysterem cum sale angl. et oleo lini iniici iussi, quod insignem copiam materiae feculentae, cui frustula caseosa lactis indigesta inerant, euacuauit, egregio cum leuamine.

Sublato itaque morbo, versus vespere, quicquid per 6 dies accumulatum erat in intestinis fecum, educendum iam esse ratus, exhibui oleum lini cum sale anglicano. Sequenti mane aegrum morbi eadem vehementia correptum, summe anxium inuenio, neque clyster statim iniectus, aliquid feculentae materiae eduxit. Per totam noctem aluus ne semel quidem aperta fuerat. Vnde ad pristinum remedium confugiendum esse ratus, praescripsi iterum ipecacuanham dicto modo. Rediit post aliquot horas quies, aluus sponte soluta, euacuit dolor; vt consumtis 6 granis ipecacuanhae aeger penitus morbo liberatus esset.

Iam vero sponte ingens secuta est diarrhoea, copiae insigni remediorum purgantium, per totum morbum exhibitae, in intestinis forsan partim adhuc latitanti sine dubio tribuenda. Vicefies aluum hoc die aeger deposuit. Cumque tam insignis sequeretur debilitas, ut in lipothymiam pronus esset, moderandam hanc diarrhoeam esse duxi, et praescripti cascarillam cum spirituosus liquoribus, unde statim recrudit paullulum dolor, externo tamen usu linimenti volatilis mox fugatus. Curam absoluit tinctura rhei. Recrudit adhuc ter quaterque dolor, mox tamen iterum euanidus.

Annon itaque egregium hoc remedium in illa incarcerationis specie, quam spasticam voco, adhiberi posset, ubi opium vel nil praestat, vel ob inflammationem vel aliam quamcunque causam tuto exhiberi nequit?

Ceterum iterum iterumque monendum, malum, quod spasticum initio est, necessario sensim euadere inflammatorium; non possunt enim non intestina  
adeo



adeo male mulctata sensim inflammari, et nisi irritatio tollatur, gangraena corripitur. Patet inde, malum quod primum solis forsan cedit antispasmodicis remediis, tandem antiphlogistica luculenter requirere.

Fieri quoque potest, et saepissime sane fit, ut ipsi inflammatoriae incarcerationi plurimum se immisceat symptomatum spasticorum, quorum ratio habenda est.

Haec fere sunt, quae dicenda de herniis incarceratis habui. Nisi certa euictaque sint, digna tamen esse puto, quae ulteriori observatione, confirmentur, vel refutentur. Id certe persuasissimum habeo, remediorum, quae ad hernias incarceratas laudantur, promiscuum nimis hucusque fuisse usum; et salutarem inde aliis, noxium aliis praestitisse effectum; rationem indolis diuersae incarcerationis habitam satis hucusque non esse.

## CAPUT II.

*De Cirsocele.*

**F**requens hunc morbum observandi se mihi obtulit occasio. Falli credo illos, qui illum pro tumore funiculi spermatici varicoso habent. Pugni magnitudinem illum aliquando aequasse vidi. Cum autem triplex tantum vas constituat funiculum spermaticum, arteria scilicet, vena et vas deferens, iure dubito, haec vasa in tantum tumorem dilatari posse; inprimis si concedis arteriam vitii sine dubio participem non esse, cum tumor non pulset. Neque venam argui posse credo, cum morbus tumoris varicosi genium non habeat, non intumescat subito, compressa superius vena, neque tumor ipse compressione minui aut tolli possit. Tota itaque culpa in vas deferens cadit; hoc autem adeo dilatari, et quando dilatatur, talem tumorem creare, qualis in cirsocele sentitur, quis est, qui credat?

No-

Notum cuilibet est, tumorem illum in scroto, qui cirsocele vocatur, fasciculum quasi lumbricorum, si accurate tangitur, referre, vel pluribus funiculis facile a se inuicem distinguendis, crassioribus quibusdam, tenuioribus aliis constitui. Tactu non raro distincte percepi, ex viginti imo 30 talibus funiculis constare. Hos funiculos vascula esse dilatata, tumida, indurata, credere absolum non est; vnde vero tot vascula, si funiculus spermaticus sedes morbi esse videtur?

Inde ego quidem persuasissimum habeo, sedem morbi primariam esse epididymidem, cuius ductus, quibus constat, seminiferi adeo intumescunt, crassescunt, indurantur, ut fasciculum funiculorum referant, tumoremque illum pariant, qui cirsocele vocatur. Manifesto aliquoties primum morbi initium in epididymide observaui; vidi non raro primo tumorem illum in fundo scroti, in loco illo, ubi epididymis est, apparere, funiculum ipsum omnis vitii expertem esse.



Non tamen in epididymide sola malum semper remanet, transit enim, dum adolescit, ad ipsa illa vascula spermatica, quae testiculum constituunt: quae, dum morbo correpta intumescunt crassescuntque, ex tunica albuginea, qua teguntur et coërcentur, se retrahunt immiscentque fasciculo vasorum epididymidis; unde, quod perpetuo observabis, dum tumor ille, qui cirfocele vocatur, increfcit et augetur, flaccescit testiculus et volumine minuitur. Immo quod *celeberrimus Angliae Chirurgus Pott* observauit, egoque etiam aliquoties vidi, euanescit tandem testiculus, tunica albuginea, vasis, quae continebat, orba, vacua collabitur, epididymidisque et testiculi vascula seminifera mixta in rudem tumorem coeunt, qui innumeris funiculis constare videtur, et iam plerumque insignis magnitudinis est.

Quomodo quaeso, si cirfocelem pro morbo funiculi spermatici habes, frequentissimum illud illius symptoma, testiculi scilicet marcorem, iacturamque tandem explicare velis? Adulti tamen morbi

bi vim tandem etiam funiculum spermaticum afficere, et tunc quidem telam illam cellulofam, quae neſcit vafa ſpermatici funiculi, ambitque, intumeſcere, craſſeſcere, tumoremque iam ad annulum vsque abdominalem, immo per illum in abdominis cauum quaſi aſcendere, aliquoties obſeruauī.

Fallor, niſi a minus attentis vel exercitatis cirſocele ſaepius pro epiplocele habita fuerit, facile enim fieri hoc poſſe, inprimis ſi morbus adultus eſt, et de initio illius non ſatis conſtat, experientia me docuit; immo me ipſum aliquando hunc errorem commiſiſſe, fateri non erubeſco. Plerumque quidem, ſi tumorem contrectas, refert faſciculum lumbricorum, quod de epiplocele dici nequit; attamen ſub maiori morbi incremento adeo tandem occalleſcit intumeſcitque tela cellulofa, quae vaſis funiculi epididymidis et teſticuli intereſt, vt iam tumor conſtituat maſſam mollem digitis cedentem, funiculis nodisque hinc inde diſtinctis mixtam, illi, quam omentum in ſcrotum delapſum aliquando parit, ſimillimam.

Ad annulum abdominalem, dum increfcit, ascendit tandem tumor, illumque dilatat, vt iam, quicquid praeternaturalis tumoris fcroto ineft, ex annulo propendere videatur. Eiusdem quoque voluminis cirfocele non femper eft; vidi ftante vel tuſſiente aegro, ſpiritu retento, vel inteſtinis flatibus diſtensis, increſcere, decreſcere aegro in ſitum horizontalem compoſito. Vidi aegrum, cui noctu, dum decumberet, euaneſcebat fere totus tumor; mane dum ſurgeret, redibat. Immo quod magis adhuc admirandum eſt, adeo aliquando dilatatur annulus abdominalis, vt reponi per illum in cauum abdominis totus fere tumor poſſit. Haec autem omnia annon imponere facile Chirurgus poſſunt, vt morbum pro hernia omentali habeat?

His tamen difficultatibus, a paucis, quod miror, hucusque notatis, non facile niſi adulti morbi diagnoſis inuoluitur: neque tunc etiam deſunt, quae veram morbi naturam produnt. Lente ſenſimque oritur cirfocele, et primum illius initium in inferiori ſcroti parte apparet,

cum



cum subito plerumque oriatur epiplocele, in regione annuli primum appareat, et lente sensimque ad scrotum descendat. Desunt porro alia symptomata, quae epiplocelen plerumque comitantur, et quae ex distractione partium, quibus cum nequitur omentum, mutatoque illorum situ oriuntur, quamuis diffiteri non licet, saepissime quoque ex abdomine laborare cirsocele affectos, variisque, quae ex debilitate viscerum abdominalium, et impedito per illa humorum transitu oriuntur, symptomatibus vexari, siquidem hypochondriaci huic morbo valde obnoxii sunt. Plurimum etiam lucis accendit testiculi marcor, tandemque perfecta iactura. Adde, dum increfcit tuffiente aegro vel quauis alia occasione cirsocele, tactu luculenter percipi, nouum tumoris incrementum non ex annulo prouenire et ad scrotum descendere, id quod semper fit in epiplocele, sed in fundo scroti augmentum tumoris oriri, et dum oritur, quasi ascendere tumorem.

In primis autem morbi genium declarat singularis ille dolor compresso tumore

more oriundus, illi penitus similis, qui oritur compresso testiculo, qualis cum comprimis epiplocelen nunquam sentitur. Adde sponte subinde dolere cirrocelen, cum doloris penitus plerumque expers sit epiplocele. Mirum sane est, plerosque auctores cirrocelen pro morbo habere, qui raro molestus est, cum summos subinde creet molestias. De furdo dolore, qui internam femoris, quod in latere affecto est, partem afficit, et interdum ad genu usque descendit, interdum ex scroto ad dorsum ascendit, ibique molestissimus est, plurimi, qui cirrocele laborant, conqueruntur; cirrocelen ipsam aliquando dolor corripit acerrimus, ut viderim, qui viuum ignem scrotum continere dixerint. Dum haec patiuntur in loco affecto, transit saepe vis morbi ad alterius lateris testiculum, qui violenter sursum trahitur, dolet, intumescit, imo quasi induratur.

Hi dolores non semper, sed subinde tantum aegrum excruciant, nescio semper qua data occasione; obseruavi tamen in primis illos urgere, quando ventriculus cibis

cibis repletus est, vel intestina flatibus distenta sunt.

Adultus morbus dilatat sensim annulum, ansamque dat herniae verae. Atque iam quidem, si huc ventum est, in miserum malorum circulum aeger praecipitatur, cui eripi nonnisi operatione chirurgica potest. Quotiescunque enim per annulum delabitur intestinum vel omentum, compresso funiculo spermatico, intumescit acriterque dolore incipit cirsocele. Neque hi aegri herniam retinere possunt opè brachierii, cuius usum non fert cirsocele, vnde perpetuis anguntur doloribus, in perpetuo versantur periculo, quod hernia incarcerata minatur.

Neque vero haec omnia, quae narraui, constanter obseruantur; vidi enim insignem morbum parum, imo nil molestiae peperisse.

Lasciuos inprimis affligit hic morbus. Memini iuuenem anxium me aliquando adisse, quaerulum de acerrimo dolore scroti, credentemque se hernia laborare. Inueni epidydimidem valde tumentem, et ad leuissimam contrectationem acerrime dolentem. Causam huius tumoris sci-



scitanti respondit aeger, se illam nescire, passus vero est, se per aliquot dies in consortio puellae, quam egregie amabat, degisse, et sub dulci casta tamen hac consuetudine malum ortum esse. Sublato hoc consortio morbus breui iterum evanuit. Qui onaniae vitio se commaculant, hunc morbum sceleris sui mercedem plerumque reportant

Infarctum et debilitatem viscerum abdominalium frequentem huius morbi causam esse, docent flatulentia, vis digestionis fracta, aliaeque plures hypochondriacae adfectiones, quae saepissime hunc morbum comitantur. Se dentarios saepissime adficit; adest quoque non raro inter affectus haemorrhoidales. Post suppressa haemorrhoidum molimina illum oriri vidi. Soli quoque externae iniuriae, contusioni scilicet, et imprimis vsui male parati brachierii ortum deberi illius, aliquoties vidi.

Recentem morbum variis cum symptomatibus, quae liberam non esse per abdomen circulationem produnt, egregie

gie leuat protractus vsus tartari tartarifati, suspensorii et motus corporis. His solis valde tumor saepe minutus est, saltem crescere et dolere desit. Nam tumorem, penitus tollere, difficillimum est, nisi recentissimus sit. Egregia quoque praestat balneum frigidum saepe repetitum.

Mitiora haec remedia morbus adultus respuit, vnde sibi plerumque relinquitur, per totam vitam non raro impune geritur, suspensorio coercitus. Aliquando tamen, scilicet quando acriter dolet, neque remediis dolor sopiri potest, vel quando cum hernia vera coniunctus est, cuius retentionem ope brachierii non admittit, auxilium postulat. Hoc autem auxilium vnice a castratione petendum est, quam quidem in tali casu rarissime peractam esse lego. Vnicum casum narrat celebris Chirurgus *Gooch* (in *Essays et Observations* Vol.II. p.244) vbi adeo sensim increuit dolor ex cirsocele natus, vt castratio institui deberet.

## CAPUT III.

*De Bronchotomia.*

**T**racheotomiam non omni semper difficultate, neque aliquando periculo carere, experientia me docuit. Mirum sane est, plerosque fere Chirurgos operationem hanc pro facillima tutissimaque habere, methodum vero illam peragendi tradere, qua si vteris, nunquam tuto et facile operationem perages. Cum egregiam hanc operationem iterato varioque modo in cadaueribus, aliquando etiam in canibus viuis peregerim, vt experirer, quo tandem modo optime facillimeque illa perageretur; cumque illam ipsam in homine aegroto peragendi occasio mihi fuerit, varia obseruare licuit, quae notatu indigna forsan non sunt, et quae paucis iam exponam.

Plerumque obseruaui, glandulam thyroideam adeo in cadaueribus deorsum extendi, vt locum arteriae asperae, qui



qui perforari debet, spatium scilicet illud membranaceum, quod inter secundum et tertium, vel tertium et quartum anulum cartilagineum tracheae est, tegat, et incisa cute cultelli aciei occurrat. Neque dubito, idem saepe observari, quando ad periculum suffocationis, quod angina inflammatoria minatur, auertendum peragitur operatio, cum in tali casu ob vicinam inflammationem magis sine dubio intumescat, et deorsum descendat glandula thyroidea, quam post mortem, ubi omnia subsident.

Plerique Auctores huius difficultatis mentionem non faciunt; aliqui discindi glandulam, quando occurrit, iubent. Insignis autem plerumque sectionem huius glandulae sequitur haemorrhagia, haud quidem periculosa, immo forsan, si vicinam inflammationem respicis, salubris; cum autem inexpectata sit, et operationem turbet, cumque glandula vulnerata sequenti die intumescat, tubulumque, per quem respirat aeger, vulnere arteriae asperae inhaerentem, eleuet, extrahat, aegrumque in periculum suffo-

C

catio-

cationis coniiciat, facilem quoque conglutinationem haud promittat. et sic varia incommoda, varias difficultates pariat, quibus tamen penitus carere haec operatio dicitur, hanc glandulam discindi non debere puto. Facile illius laesionem caues, si loco, quo potes, profundiori tracheam perforas, vel si huc etiam descendit glandula, illam separas blande, remoues et prope inferiorem illius marginem instrumentum in tracheam immittis.

Sunt, qui incisa cute lanceolam statim infigi in tracheam iubent. Bene vero, me iudice, ages, si musculos sterno-hyoides et thyroideos, qui tracheae incumbunt, pinguedinem et telam cellulosa, et quicquid tegit locum arteriae asperae perforandum, accurate prius separas, et ad vtrumque latus reprimis, ut locus ille denudatus penitus appareat. Ita enim accuratius cognoscis, cuinam loco lanceolam immittere debes; accuratius distinguis, an profunde satis, an non satis, vel nimis profunde illa penetrat in arteriam asperam. Fieri enim potest,  
inpri-



inprimis quando trachea multa pinguedine, vel cellulosa ob vicinam inflammationem tumida tegitur, vt profunde satis iam penetrasse lanceolam putes, quando nondum satis penetrauit; vti quoque fieri contra potest, vt profunde satis nondum penetrasse instrumentum videatur, vbi satis iam penetrauit, vtque, dum profundius illud adigis, laedas posterius arteriae asperae latus, immo perfores, variaque pericula incurras, obuia inprimis in infantibus, quorum trachea ampla non est.

Fac quoque, et saepe factum esse experientia docet, tubulum, per quem respirat aeger, post operationem quauis data occasione, e vulnusculo tracheae elabi, quod tussiente aegro, vel ipso illo motu, quem sub inspiratione, expiratione et deglutitione patitur trachea, inprimis fit; annon tela cellulosa, et musculi, qui incumbunt arteriae asperae, et quorum vulnus facile dimouetur, obtegant arteriae asperae vulnusculum, vt non nisi difficulter et lente tubulum reponere, aegroque in suffocationis peri-



---

culo versanti respirationem restituere, animam reddere possis. Dein cum eo ventum sit, vt artificiali hac respiratione opus non amplius habeat aeger, tubulusque extrahatur, annon aër ex vulnere tracheae prorumpens subibit telam cellulofam, quae vulnus illud tracheae tegit et aëri elabenti transitum occludit, sicque emphysemati occasionem praebet.

Multo magis omnia haec incommoda metuere debent, qui ne cute quidem prius incisa transfigunt statim instrumento cutem, telam cellulofam, musculos et arteriam asperam. Patet itaque, nisi fallor, bene illum agere, qui omnia, quae locum arteriae asperae perforandum tegunt, discindi prius et separat; neque ita moram inferri operationi obii-  
cies, cum dexteritatis magis quam celeritatis ratio habenda semper sit, et laxa satis hic tela cellulosa sit, quae facile separatur.

Ita peragi operatio debet, vt neque sub illa, neque post illam sanguis vulnuscum tracheae transeat, et in illam delaba-

labatur. Sanguis enim illapsus irritat tracheam, aegrum concutit tussi, qua instrumenta in tracheam iam immissa expelluntur; quo facto, magis adhuc patet via sanguini irruenti in tracheam, et aeger, vulnuscule sanguine oppleto, vehementiori tussis impetu et ingenti suffocationis periculo agitur, totumque operationis negotium turbatur. Neque his turbis facile mederi poteris, cum sub his ipsis agitationibus tubulus immitti iterum in vulnuscule arteriae asperae facile nequeat.

Mala itaque methodo utuntur, qui, et inter hos inprimis nominandus HERSTERVS et PLATTNERVS est, tracheam lanceola perforant, dein iuxta illius laminam specillum tenue, et super illud tandem, extracta lanceola, tubulum in vulnus tracheae immittunt. Sub alternante enim horum instrumentorum introductione et extractione non potest non illabi sanguis in arteriam asperam, et modo dicta mala creare.

Errant etiam, qui hanc operationem ope instrumenti cuiusdam, quod Troi-



quart vocatur, peragunt, et sic vulnus, quod infligunt clauo illo triquetro, tubo, qui simul immittitur, et extracto clauo in vulnere relinquitur, statim occludere, et ita omnem, qua pertingere in arteriam asperam sanguis potest, viam praecludere sibi videntur. Cum enim rotundus sit, quo instructus est Troiquart, tubulus, vulnus, quod longiusculum est, accurate non omnino claudit, sed diducit potius, vt per angulos illius patulos, sanguis et quicquid in vulnere externo confluit, facile tracheam intrare, tussim excitare, tubulum expellere possit. Accedit, aërem per patulos vulneris angulos elabi, illabique perpetuo, telam cellulofam subire, et emphysema creare. Patet inde, tubulum, quo vteris, planum fere, compressum, ad latera tenuem, in medio paullo tumidum esse debere.

Recti, quem plerique Chirurghi adhibent, tubuli vsum varia comitantur incommoda. Facile apparet, inferius huius tubuli, quando in vulnere ille haeret, orificium spectare posterius arteriae asperae



rae latus, et inde perpetuo ad illud dirigere vim illabentis aëris, qui, si irruit, frigidiusculus est, ad vnum eundemque locum perpetuo allidens, necessario irritat ad tussim, respirationem per tubulum turbat, tubulumque expellit.

Tubulus quoque rectus, si nimis curtus est, nimis facile sub agitatione tussientis aegri, vel ipso illo motu, quem sub quavis inspiratione, expiratione et deglutatione trachea patitur, elabitur. Ipsa quoque vulneris cutanei labia, dum inflammatione intumescunt, eleuare tubulum, et ex ipso tracheae vulnuscule extrahere possunt. Si, vt haec incommoda euites, longiori vteris tubulo, metuendum est, ne inferius illius extremum tangat, irriterque posteriorem tracheae parietem, vel saltem illi nimis appropinquet, et maiori vi irruentem aërem in illam euomat. Qui incuruo vtuntur tubulo, difficultatibus his obnoxii non sunt.

Instrumentum mihi comparaui, (vide in Tabula annexa Fig.I.) quo qui vtitur, tuto nisi fallor, facile et celeriter opera-

tionem peragit. Est lanceola in vaginula sua latens; cuspis tamen ex illa prominet, ad lineae longitudinem, et quousque prominet, acuta et anceps est. Incurua est lanceola cum ipsa sua vaginula. Incisa cute et tela cellulosa, remotisque musculis, lanceolam vaginula sua instructam immitto in arteriae asperae locum perforandum, quo facto, extraho lanceolam, vaginam autem, ut per illam respiret aeger, in vulnere arteriae asperae relinquo.

Insigni tubulus gaudet longitudine, neque itaque facile elabitur, tracheae vero posteriorem parietem non tangit, cum incuruus sit. Inde etiam orificium illius inferius deorsum spectat, aërisque irruentis riuum deorsum dirigit. Eodem tempore, quo perforatur trachea, tubulus quoque immittitur, qui cum rotundus non sit, sed complanatus, vulnusculum, eo ipso momento, quo infligitur, exacte claudit, omnemque viam sanguinis in arteriam asperam, aërisque in telam cellulosam intercipit.

Per



Per 8 iam annos iterato in cadaueribus, aliquoties in cane viuo, semel in homine viuo, hoc instrumento vsus sum tuto facileque. Bina vel plura talia instrumenta variae longitudinis et crassitiei parata habeat Chirurgus, vt in quouis casu eligere possit, quod pro aetate aegri et crassitie partium tracheae incumbendum optime conuenit. Mucos, si repletur, tubulus, plumula facile purgatur.

Cum gloriam in inuento hoc, quod plurimis sine dubio parui momenti esse videbitur, non quaeram, anxie non inuestigauit, an aliquis ante me, instrumenti eiusmodi mentionem iam fecerit. Sufficit, commodi illud vsus esse, perinde esse potest, quis inuenerit. Chirurgum quendam Gallum BOUCHOT (v. Memoires de l'Acad. de Chirurgie de Paris, T. IV. p. 512) instrumentum ad bronchotomiam, huic, quod descripsi, quodammodo simile inuenisse, postquam meo iam per aliquot tempus vsus essem, legi: rectum vero cum sit, tubulusque valde curtus, facile apparet, omnibus difficultatibus illius vsus non carere.



Anginam inflammatoriam, quae transitum aëris ad pulmones subinde intercipit, hanc operationem inprimis requirere, iure plerique putant; neque audiendus est illustris ceterum Angliae Chirurgus SHARP, qui necessariam in hoc morbo vnquam esse hanc operationem negat, idque eo probare sibi videtur, quod in hominibus angina inflammatoria mortuis, patula semper reperiatur glottis; haud recordatus, omnem post mortem subsidere tumorem inflammatorium, omnemque relaxari spasmus. Neque laudem huius operationis imminuunt, qui obiiciunt, non raro angina periisse, quibus trachea perforata fuit: eximium enim auxilium, quod semper adfert in hoc morbo operatio, si tempestiue peragitur, raro immo nunquam adfert, si differtur donec sanguis sub anhelosa illa respiratione in pulmone coaceruatus, peripneumoniam parit, cui mederi operatio nequit.

Locum praeterea puto esse huic operationi in quocunque casu, vbi obstaculum aliquod, quod tolli cito nequit, in  
fau-

faucibus vel larynge haerens, respiratio-  
 nem difficilem reddit, vel penitus inter-  
 cipit: multo frequentiore certe illius  
 vsum esse posse arbitror, quam vulgo  
 putatur. Vidi inflammata adeo intumescere linguam, vt fauces occluderet.  
 Quoties obstaculum respirationis a scirr-  
 rho vuulae, vel tonsillae, vel alio quo-  
 uis tumore scirrroso vel tunicato in fau-  
 cibus haerente? Polypos narium adeo  
 aliquando increfcere, vt ad laryngem  
 descendant, ligaturaque iniecta adeo in-  
 tumescere, vt respirationem intercipient,  
 quis est, qui nescit? In ipso oesophago  
 polypos nasci, et hos quidem sine prae-  
 senti suffocationis periculo in os protrudi,  
 ibique ligari accurate non posse, obseruatio  
 docuit. Externi quoque tumores chronici  
 adeo aliquando increfcunt, vt viam aëris  
 in pulmonem comprimant, intercipient.  
 Quid est, quod impedit in omnibus his casu-  
 bus, pluribusque forsan aliis similibus, arte-  
 riam asperam aperiri, et aegrum per vulnu-  
 sculum illi inflictum respirare, donec obsta-  
 culum respirationis, quodcunque demum  
 sit, commode radicitusque sublatum sit?



## CAPUT IV.

*De Morbis sinuum frontaliū.*

Rarae sunt de morbis, qui in sinubus frontalibus nidulantur, observationes; occulte enim oriuntur, tacite incrementum, et quando tandem apparent, medicam plerumque artem eludunt. Neque periculo carent, sedes enim illorum cerebro proxima est. Haec cum ita sint, operae pretium me esse facturum putavi, si aegroti cuiusdam, qui tali morbo periiit, historiam enarrarem, variaque, quae naturam et medelam horum morborum spectant, adderem.

Viro quinquaginta circiter annorum bene valenti superior palpebra oculi sinistri sponte et subito adeo intumescit, ut tota liuida tumidaque ad mediam fere usque genam dependeret. Cum ceterum nil molestiae et incommodi sentiret, obambulavit, oblataque remedia respuit. Ela-



Elapsis quatuor diebus ad auxilium aduocatus aegrum stupidum, somnolentum, loquela, motuque brachii, femoris et cruris dextri penitus priuatum reperi. In media oculi sinistri palpebra, quae iam fere nil amplius tumoris et ruboris non naturalis habebat, orificium conspexi paruum vlcerosum, quod ante viginti quatuor horas natum ingentem puris copiam eructauerat: iam vero, quando comprimebatur, paucas tantum puris guttulas plorabat.

His perspectis suspicio mihi nata est, haec omnia forsan puri in orbita orto, et per foramen illud, per quod decurrit neruus opticus, ad cerebrum redundanti, tribuenda esse: quam ob rem externum illud orificium, vt puri liberum exitum pararem, illiusque ad cerebrum redundantiam arcerem, incisionibus dextrorsum et sinistrorsum factis dilataui; quo facto, nec guttula puris exiit, nec, quicquid etiam tentarem, fons viaque puris detegi potuit. Desistere, cum vigerent amici aegroti, ab vlteriori examine oportuit; aegrum autem capite  
antror-

antrorsum flexo, ut pus facile efflueret, iacere iussi.

Vesperi, cum repetere incisiones vlcerisque examen vellem, aegroti, stertentis iam, et vere apoplectici, amicorum cohors obstitit, putans, nefas esse, moribundum secari, frustra que sine dubio tentaturum me esse omnia, quae tentari forsan adhuc possent. Vnde nocte sequente aeger apoplecticus periit.

Venia mihi data est, inuestigandi in cadauere causam mortis, id quod diligenter quidem feci, ast adstantibus defuncti amicis, qui liberiori cultelli usu nimium deturpari corpus vetabant. Externa cute a media palpebrae sinistrae parte ad frontem usque incisa separataque incidit statim in oculos praeternaturale in superiori orbitae margine foramen, quod proxime foramen superciliare erat, et in sinum frontalem sinistrum penetrabat. Specillum immissum, recta ad pollicis minimum longitudinem penetrabat, antequam ad posteriorem sinus parietem illidebat. Tunc autem cum hinc inde  
illud



illud agitare, pertingebat ad cerebrum per foramen in posteriori pariete, externo illo foramine paullo altius situm, ceterum illi obuersum, et nisi fallor, eiusdem ferè ac illud magnitudinis. Alio loco perforatus non erat paries posterior, vbique enim in illum illisit specillum, quocunque illud verterem. Cum iam oblique dextrorsum specillum propellerem, intrauit illud in sinum frontalem dextrum, minus amplum, neque vti puto, vllibi perforatum. Tanta autem puris copia vterque sinus repletus erat, vt agitato specillo fluctuatio strepitusque audiretur, magnaue illius copia proflueret. Cum iam, vt accuratius inspicerem sedem mali, ferra tollere cranium vellem, manum cohibuit adstantium turba.

Interroganti mihi, an nescirent, cui nam caussae haec omnia tribuenda essent, responderunt: ante duos fere annos aegro frustulum chalybis, quod ope maioris mallei diffringere studebat, insigni cum impetu ad margini superiori orbitae, et quidem eidem fere loco, in quo iam praeternaturale illud  
fora-



foramen reperiiebatur; insiliisse, atque ab hoc tempore illum saepissime de dolore obtuso in fronte, qualis a coryza oriri solet, conquestum esse, subinde quoque puris aliquot guttulas ex naribus destillasse; ceterum vero bene satis illum valuisse, suetaque negotia perpetuo peregisse.

Pus in fronte generari, iisdemque illius caua morbis affici, quibus afficiuntur caua maxillaria nariumque, mirum non est; eadem enim, qua haec, illa quoque instructa sunt membrana, vasis nervisque referta, et ad inflammationes valde prona. Ortam autem in locis his arctis clausisque inflammationem plerumque suppurationem sequi, experientia docet. Varias causas huius inflammationis varii Auctores arguunt. Ita orificia, per quae mucus in cauo frontis paratus, ad nares defluit, obstrui subinde, obstructis illis, mucum coaceruari, cauum distendere, membranam illius irritare, inflammare, pus cariemque creare, referunt. Tumori membranae pituitariae, quae circumdat orificia illa,  
et

et quando intumescit, claudit, soli hanc obstructionem aliquando deberi, probare videtur dolor ille molestus obtusus, illos infestans, quibus haec membrana catarrhosa colluvie intumescit, euanesceat sub vberiori muciprofluvio, simul atque detumescit iterum haec membrana.

Mucum ipsum aliquando, si nimis spissus est, obstruere haec orificia, sibi que ipsi viam ad nares praecludere posse, quidam contendunt: immo sunt, qui autumant, variolas, ulcera, vulnera, cicatrice, quam pariunt, polypos in narium cauo, vel in ipso sinu frontali natos, viam hanc obstruere. Inflammationem narium ex quacunque causa natam ad sinus frontales se extendere posse, dubium non est. Quid etiam impedit quo minus in his causis ex omnibus illis causis internis inflammatio oriatur, ex quibus subinde in aliis partibus oritur? Venerea sane labe nares saepissime infestante conspurcati, habent omnino quod metuant, ne sinus frontales occupet vitium. Vermes aliquando in fronte nidulari observatum est: illos itaque etiam

adferre subinde aliquid ad morbos, qui in sinubus huius ossis oriuntur, vel obstruendo illorum orificia, vel irritando membranam, dubium non videtur.

Neutri tamen harum caussarum morbum, quo periit aegrotus meus, tribuendum esse, in aprico est. Externae sine dubio violentiae illi, impetui scilicet frustuli chalybis, os diffringentis, membranamque caui ipsam forsan lacerantis, saltem contudentis, irritantis, ortum ille debuit. Neque desunt exempla, ubi morbus ex violentia tali externa, contusione, vulnere, fractura ortus est.

Pus in frontis cauo natum diu aliquando ibi latet, taciteque insidias sruunt, tandem vero aliquando celerem subitamque perniciem parit. Membrana caui peresa, ossa corrodit pus, laminaque illa ossea, quae dextrum separat a sinistro sinu, perforata, ad alterum sinum transit, et per patulum illius orificium defluit in nares, vel ipsum illum sinus, in quo natum est, orificium coalitum rofione aperit, viamque sibi ad nares parat.

Hic



Hic puris defluxus, dolorum, quibus aeger afficitur, vehementiam mitigare, inalique incrementum forsan retardare potest, ad morbi autem perfectam et radicalem curam nil omnino adfert; quod probat exemplum aegri mei, qui, quamuis pus subinde ex nare proflueret, morbo tamen peremptus est. Neque mirari debes; non enim hic sufficit angustum, ex quo pus stillat, orificium, sed ampla requiritur via, qua libere effluere illud, et quicquid mortui vel corrupti se separat, eximi possit.

Totum plerumque sinus cauum, dum morbus increfcit, distenditur sensim et intumescit. In casu narrato sane adeo intumuit; vt certe vncias duas puris contineret. Insignis haec dilatatio carni fungosae ex vlcerosa membrana vel osse carioso pullulanti deberi quibusdam videtur; in nostro tamen casu soli puri cauum distendenti et ossa emollienti tribuenda esse videtur, nil enim carnosae excrefcentiae inuentum est. Sinus frontalis robustiori osse circumdatus, tardius, quando pure repletur, intumescere solet,

quam sinus maxillaris, qui tenuiore osse  
septus, cito plerumque, quando pus  
continet, insigniterque inturgescit. Po-  
sterior sinus frontalis paries debiliior  
tenuiorque est anteriori; vnde fit, vt,  
quando intumescit sinus, introrsum in-  
tumescat; raro extrorsum; cedit enim  
tenuior, resistit fortior paries. In no-  
stro aegro nil externe apparuit tumoris  
in osse frontis, quod suspicionem laten-  
tis vitii mouere potuisset, quamuis sinus  
quam maxime distentus esset.

Tumor sinus maxillaris, nisi insi-  
gnis sit, praesens periculum haud parit;  
tumor sinus frontalis introrsum vergens  
cerebrum premendo graua mala parere  
posse, verosimile est. Minime sane du-  
bito, incognitam in his sinubus frequen-  
ter latere causam variorum capitis mor-  
borum, qui medicam artem eludunt.  
Morbum mortemque aegri, cuius histo-  
riam enarraui, huic tumori, quamuis  
insignis esset, non tribuo; subito enim  
apparuerunt omnia symptomata apople-  
ctica, cum tumor ille lente sine dubio  
sensimque ortus et increescens, lente sen-  
sim.

simque morbum parere debuisset: experientiaque constat cerebrum compressioni, quae lente nascitur et increfcit, sensim affuescere, illamque sine damno ferre.

Pus in sinu natum tandem aliquando perrodit parietes sinus, et primum ut plurimum posteriorem, tenuem scilicet, rarius, saltem tardius anteriorem, crassum scilicet robustumque. Peresa priori pariete pus in cauum cranii penetrat, et vel irritando inflammationem et suppurationem, vel premendo paralyfes, hemiplegiam, apoplexiam parit. En apoplexiam, quae medicam scientiam irridet, chirurgicum auxilium poscit! En causam mortis, de qua pauci forsan cogitant, et quae non raro sine dubio incognita aegrum interficit.

Egregie cum aegro agitur, si pus externum perrumpit parietem; non quod apertura hic nata salutem adferat, non enim attulit aegro nostro, neque facile unquam afferre potest, cum parua plerumque sit, sed quod naturam morbi sedemque prodat, et auxilium, quod re-



quiritur, indicat. Aperturam illam externam in aegro nostro ortam, viam subministrantem puri in telam cellulosam palpebrae superioris elabendi, insignemque huius palpebrae tumorem excitandi, non ego quidem puri penitus tribuo; sed potius violentiae illi externae, quae parvam in loco, quem tetigit, sine dubio fracturam peperit, incognitam, donec successu temporis pus illam ampliaret, et in patulum satis orificium eroderet.

Probat, nisi fallor, haec observatio, haud penitus errare illos, qui credunt, hoc cerebri haemisphaerio pressio, vel irritato, corporis latus oppositum, paralyti vel convulsione adfici; luculenter enim pus sub sinistro haesit cerebri haemisphaerio, et paralyti primum affectum est latus corporis dextrum.

Annon morbus in sinu frontali latens deorsum etiam aliquando tendit, et oculis noxam infert? Inter aegros amaurosi laborantes, quos ego vidi, non pauci fuerunt, qui de molestissimo sensu et obtuso dolore regionem sinuum frontali-  
lium

lium infestante querebantur. Feminam noui, cui vtriusque oculi amaurosi perfecta laboranti rediit subinde, orto vberiori muci ex naribus profluuio, tantillum videndi facultatis, periit iterum naribus siccescentibus. Puluerem errhinum profluuium muci prolicientem profuisse aliquando vidi.

Fieri aliquando potest, vt morbus, inprimis ex causa quadam externa ortus, sub primo statim initio totum se ostendat. Tunc inflammationem in cauo frontis ortam, primum illud symptomaprodit, dolor scilicet increscens, cum sensu ardoris, cute frontis externa haud mutata. Si symptomata haec post aliquot dies euanescentia sequitur dolor obtusus, premens, rodens, increscens sensim, pus natum esse iure suspicaberis. Si dein pus ex naribus subinde stillat, dubia non amplius est latentis mali indoles.

Raro autem, quod dolendum est, haec omnia ita se habent, obscurum plerumque morbi initium est, tacitum illius

incrementum. Pure nato et membrana peresa, os nudum, quod caret sentiendi facultate, sedes est morbi tacite iam periculum struentis. Dolor ille obtusus in fronte coryzam saepe mentitur, certe a variis aliis causis non raro oritur, ut itaque certum huius morbi signum non sit. Pus ex naribus stillans saepe non animadvertitur; saepe quoque mucus narium pus mentitur. Certe diagnosin huius morbi difficillimam esse, probat casus nostri aegroti, de morbo suo, quamvis ex violenta causa ut satis manifesta oriatur, ne minimam quidem suspicionem habentis.

Variis quoque medela huius morbi obvolvitur difficultatibus. Cum levia plerumque sint illius initia, raro antequam tota vis mali apparet, medicus vocatur in consilium; sique interdum vocatur, auxilium, quod adfert, plerumque respuitur. Nonne deridebit medicum, qui frontem trepano perforandam esse, asserit, aeger, qui praeter leuem in fronte dolorem nil habet, de quo queratur? Neque tamen ab alio quouis  
reme-



remedio expectari salus potest. Primum quidem morbi initium, quod inflammatorium est, venae sectionem requirit, hirudines, vesicatoria vicinis partibus, immo ipsi fronti applicatas, vel si specifica quaedam causa, e. g. venerea argui potest, specifica remedia.

Si quando autem obstructo orificio, mucoque in sinu accumulato inflammatio oritur, omnia haec non sufficiunt: aperiatur necesse tunc est, ut praeuertatur suppuratio, orificium, viaque, qua effluat mucus in sinu collectus, premiens, irritans. Obstructum orificium esse subinde forsitan indicant, quae praecedunt, ut siccitas narium, dolor frontis obtusus, increascens sensim, et in acutum inflammatorium mutatus, variaque forsitan alia, quae obstructioni ansam dederant. Plerumque adesse sub inflammatione hanc obstructionem, subinde ut causam, subinde ut effectum inflammationis in sinu haerentis, semper etiam, ut caueatur morbi incrementum et ortus puris, referendam esse, facile apparet. Naribus inde iubent attrahi vel iniici lac tepidum

pluraque similia, vt emolliatur, et sol-  
uatur; quicquid obstruit, vel ptarmici  
cuiusdam medicamenti vsum suadent, vt  
expellatur. Vereor autem ne parum ple-  
rumque haec omnia valeant.

Annon itaque, quod Cel. LAFORET  
ad referandum ductum nasalem, Cel.  
JOURDAIN ad aperiendum orificium  
sinus maxillaris superioris adhibuit, spe-  
cillum, hic quoque adhiberi, et in na-  
res immissum, ad orificium sinus fron-  
talis adactum, tollere, quod obstruit,  
obstaculum posset? Iisdem quidem, qui-  
bus in prioribus casibus premitur difficul-  
tatibus, in hoc quoque premi vsum spe-  
cilli, praeuideo; ast vsum facit magistrum,  
et forsan exercitium difficultates sen-  
sim minuit, quae sub primo intuitu su-  
perari vix posse videntur. Neque tamen  
vsum huius specilli malum radicatus tolli  
posse credo, nisi sub initio; pure enim  
iam nato haud sufficit orificium illud na-  
turale, artificiale quoddam largum am-  
plumque requiritur.

Trepano perforanda frons est, quando pus continet. Ast duro huic remedio an facile submittet aeger, praeter obtusum in fronte dolorem aliquando satis leuem, nil plerumque molestiae sentiens? An facile adhibebit illud Chirurgus parum non raro de morbi indole certus? Corona trepani, quo vteris, magna non sit, ne foramen, quod facit, ultra sinum frontalem se extendat; quod quidem, cum sinus ultra modum plerumque distentus sit, metuendum nimis non est. Sufficit forsan aliquando usus illius trepani, quod perforatif vocatur, quamuis eo omnino respiciendum semper sit, ut apertura satis magna fiat. Si quando in utroque sinu pus haeret, uterque trepano perforandus vix est; vno enim perforato, laminaque ossea, quae dextrum separat a sinistro sinu, ope specilli pertusa, via patet ad utrumque sinum. Plerumque etiam pus iam tenuem hanc laminam corrosit, destruxitque. Fit etiam aliquando, ut cauum sinus lamellis osseis intermediis in varias cellulas partitum sit; quae perfringendae sunt, ut ubique pateat via. Pure eliminato depurganda est



est interna sinus ulcerosi et cariosi superficies, separandumque quicquid sordidum corruptumque est.

Orificium trepano factum difficulter plerumque coalescit, et fistulosum saepe euadit. Culpam non immerito conii-  
ciunt in membranam sinus, quae parare pergit mucum, qui, cum per obstructum naturale sinus orificium in nares defluere nequeat, per foramen trepani perpetuo stillat, illiusque coalitum impedit. Fontem itaque muci exficcare: id est, totam usu acriorum medicamentorum membranam destrui, illaque destructa, cauum frontis carne repleri, sunt, qui iubent. Acria autem his locis cerebro illiusque membranis adeo vicinis sine damno applicari vix credo; dubito quoque destrui hic penitus posse membranam in angulis cryptisque latentem, ad quas nec medicamentis nec instrumentis aditus facile est. Fac quoque destrui hic posse membranam, quomodo replebis carne cauum tam insignem morbo auctum, ubi tam parum partium adest, quae nouam carnem suggerere possint?

Id

Id itaque hic inprimis agendum esse puto, ut via ad nares aperiatur, qua mucus defluere possit, hoc enim facto, nil est, quod coalitum externi vulneris impedire possit. Hoc autem facile iam fieri potest usu specilli, quod per aperturam trepano factam immitti, et quocunque debet, facile dirigi potest. Ne concreascit iterum, quod aperuisti orificium, inmissis chordis cereisque cauendum est, quorum usus diu satis continuari debet. Quodsi vero orificium illud adeo oblitteratum coalitumque est, ut aperiri iterum restituique haud possit, quid est, quod impedit, eodem modo, ac in fistula lacrymali, osse perfracto nouam ad nares viam parari. Facile hoc peragi puto ope instrumenti, quod illi simile est, quod Cel. P O T T ad perforandum os vnguis proposuit. Spes sane, fore ut claudatur foramen illud in fronte trepano factum, locum non habet, quamdiu mucus non habet, qua effluat, aliam viam: hac vero parata, quod adhuc coalitum vulneris impedire possit, obstaculum non adest. Ceterum haec omnia vltiori experientiae confirmanda vel refutanda relinquo.

## CAPUT V.

*De Amaurosi.*

**P**ertinacissimum morbi genus, quod luce hominem priuat, densissimisque circumfundit tenebris, amaurosis est. Saepissime hunc morbum obseruaui, variorum medicamentorum vires contra illum tentauit, raro autem parem illi medicinam esse expertus sum. Quinque adustum confirmatumque morbum penitus fugauit, aliquoties incipientem discussi, quibusdam etiam aegris, qui perfecta amaurosi laborabant, tantillum lucis sensum restitui. Inter frequentes has, quae mihi sese obtulerunt, morbum hunc curandi occasiones, varia obseruaui, quae quidem naturam illius et medelam non penitus detegunt, aliquid tamen forsan ad detegendam illam adferre possunt. Atque haec quidem iam paucis exponam.



Difficilis aliquando morbi huius diagnosis est; signa enim, quae prodere illum dicuntur, constantia non sunt; adsunt aliquando, aliquando absunt. Magnam et immobilem semper esse pupillam oculi amaurosi adfecti, omnes fere, qui de hoc morbo scripserunt, Auctores asserunt. Errare autem illos, experientia me, aliosque quosdam docuit. Vidi enim non raro, vidit etiam Celebris Gallorum Chirurgus, JANIN, perfectissima amaurosi occaecatos, quorum pupilla mobilis erat, et ad minimum lucis contactum valde viuideque se constringebat. Celebris quondam Ophthalmiater, ST. YVES iam subinde observauit, pupillam oculi amaurosi affecti instar sani dilatari altero oculo clauso, constringi aperto iterum illo. Immo, quod mirum est, aliquoties vidi, sub usu medicamentorum, quibus visum restituere studebam, perditam redire pupillae mobilitatem, visu haud redeunte. Haec autem in morbo diuersitas, prodit sine dubio etiam diuersitatem in illius causa? An pupilla dilatata maiorem indicat morbi gradum? an leuiorem constricta et morbilis?

Fac

Fac etiam, immobilem semper esse, quamuis non sit, pupillam oculi, qui amaurosi laborat; certum tamen guttae serenae signum haud erit haec pupillae immobilitas. Constat enim, non raro motu carere iridem, quamuis integra gaudeat videndi facultate oculus. Accedit, aliquam semper habere mobilitatem iridem, quamdiu gutta serena perfecta nondum est, ut itaque illa non nisi consummati morbi comes sit.

Neque est, quod obiicias, lente tamen hic semper tardeque moveri iridem, ita enim mouetur subinde pupilla sanissimi oculi. Scilicet non eadem esse videtur semper pupillae sani oculi irritabilitas, aliquando adeo insignis est, ut contractam illam valde in loco non nimis lucido obserues, alio vero tempore adeo languida, ut in lucidissimo loco parum contrahatur; id quod sine dubio variis externis causis, quae minuunt vel augent irritabilitatem totius corporis, tribui potest. Neque huic languidae vel viuidae iridis actioni respondet insignis vel languida videndi facultas, eadem plerumque sub varia pupillae affectione.

Ne-

Neque, quando immobilis est pupilla, dilatata praeter modum simul semper ea est. Bis vidi, illam immobilem et simul praeter modum contractam, aliquando etiam naturalis amplitudinis fuisse. Varia vero haec pupillae conditio cum amaurosi coniuncta fortuita sine dubio non est. Explicare quidem causas harum varietatum nequeo, verosimile autem est, non vnam eandemque semper esse amauroseos indolem, variasque forsan illas pupillae adfectiones varias indicare morbi species; grauiorem forsan curatuque difficiliorem esse amaurosin, quando cum immobilitate pupillae coniuncta est, leuiorem curatuque faciliorem, quando mobilis est pupilla; alia forsan requiri remedia in illa, alia in hac specie.

Colorem pupillae oculi gutta serena adfecti nigrum, sanum, omnisque vitii expertem esse, plerique vno ore adfirmant. Hoc autem assertum magis adhuc quam prius erroneum esse, iterum iterumque expertus sum. Plerumque sane splendido illo puroque nigrore orba est pupilla oculi, qui amaurosi laborat;

E

lan.



languorem in illo hebetudinemque, loco nitoris illius, quo gaudet sanus integerque oculus, quilibet in illo animaduertet. Aliquoties tam insignem pallorem pone pupillam percepi, vt, quod ingenue fateor, dubius aliquando haeserim, cataractane incipiente an amaurosi aeger laboret. Facilis sane in hoc casu error est, inprimis si perfecta nondum est amaurosis, motuque adhuc pupilla, luminisque quodam sensu retina gaudet. Plures sane, quod adfirmare possum, ad me peruenerunt aegri, et medicorum suasu, qui cataracta illos laborare credebant, operationem petierunt.

Dubitaui diu de ortu et natura huius palloris aliquando satis insignis, donec puer aliquis me adibat, cuius oculos caecitas singulari sane ratione adficiebat. Albissimus pone pupillam et lacteus quasi color apparebat, cumque accuratius oculum inspicerem, totam quasi illius internam superficiem, retinam albam, vasculaque in illa rubra, punctulaque hinc inde dispersa distincte videre mihi videbar. Difficile est, singulare hoc explicare  
phac-

phaenomenon. An vere hic retina translucebat? Ita mihi videbatur. An itaque pallor ille, qui tam frequenter in oculis amaurosi adfectis observatur, non opacitati cuidam pallidae, sed potius retinae paullulum translucenti tribuendus? Vnde vero nimia haec oculi pelluciditas? An forsan nimia humorum tenuitas et dissolutio arguenda?

Fuerunt sane, qui causam guttae serenaë in humore vitreo quaesiverunt, resolutumque hunc humorem in amaurosi semper esse putarunt. Immo fuerunt, et inter illos quidem HEISTERVS eminet, qui in oculis amaurosi adfectis humorem vitreum adeo resolutum repperunt, ut aqueae tenuitatis esset. Hos vero omnes egregie errasse, creditum huc usque fuit. An vero vere errarunt? Parum sane abest, quin credam minus illos errasse. Feminae, cataractam extrahi, quae aliquem, minimum tamen, lucis sensum superstitem habebat, muscasque igneas punctulaque flava ante oculos sibi saepissime volitare, confitebatur. Quamvis facillime blandissime.

E 2

que



que perageretur operatio, prorupit tamen portio humoris vitrei insignis tenuitatis. Restituta post operationem vidit tantillum, quamvis patulae puraeque pupilla esset; perdidit tamen intra dimidium annum recuperatam videndi facultatem sponte, et perfecta amaurosi tandem occaecata est. Virum vidi, triginta annorum, dextri oculi amaurosi laborantem, cuius retinae eam tantum partem, quae in oculi angulo interno est, aequae distincte ac in priori casu, videre mihi videbar.

Interim tamen non nego, frequenter etiam pupillam oculorum amaurosi laborantium puro illo splendente nigrore praeditam esse, ut itaque, si quid subest huic morbo vitii in humore vitreo, id tamen non semper subsit. An non itaque credere fas est, varias dari guttae serенаe species; aliam forsitan esse, quae cum humoris vitrei vitio coniuncta est, aliam, quae solam forsitan retinam afficit; alia requirere remedia priorem, alia posteriorem: pertinacior, curatuque forsitan difficiliorem esse priorem, posteriorem benigniorem. Id saltem adfirmare pos-



possum, me nullum amaurosi laborantem sanatum vidisse, cui pallor notabilis pone pupillam erat; ut itaque pallor ille semper mali ominis sit.

Mirum est, morbi, qui oculi sensibilitatem abolere videtur, prima symptomata auctam potius quam imminutam huius organi sensibilitatem prodere videri. Non raro enim aegri, quorum oculi occaecari hoc morbo incipiunt, splendentes scintillas, flammulas, lumina, ante oculos saltare, volitare, queruntur. Virum vidi amaurosi incipiente laborantem, qui subito saepe sibi splendorem magni instar luminis borealis ante oculos surgere, mox iterum evanescere dicebat. Plurimos vidi minori vel maiori guttae serena gradu laborantes, qui in loco lucido penitus occaecati, satis bene viderunt in loco obscuriori; ut quo serenius esset caelum, eo debiliior illorum visus esset. Hi aegroti, dum obambulant, tenebras quaerunt, solemque fugiunt, cuius splendor illos occaecat.

Periodicum aliquando est morbi initium, ita ut certis intervallis optime vi-

deat aeger, certo vero tempore visus magis vel minus hebescat. Memorabile tale exemplum ante aliquod tempus occurrit. Vir quinquaginta annorum, procerus, obesus, strenuus potator, vitae sedentariae addictus, alternis diebus oculorum hebetudine corripitur. Mane hora septima circiter nebula sensim ante oculos coit, sensimque tam crassa fit, ut omnia obiecta inuoluat quasi, parumque aeger distinguat. Per totum diem noctemque nebula haec affligit, altero mane dum expergiscitur aeger, abest, iamque per totum diem bene satis et distincte aeger vidit. Tertio die mane eadem fere hora eodemque modo nebula iterum ingruit, idemque tempus durat, quarto dein die mane euanescent. Periodico hoc morbo aeger dum me adiit, iam per annum fere laborauit, ita tamen ut incretaret sensim morbus, adeo, ut iam iam diebus malis penitus fere caecus esset. Nil vitii in oculo detegi, purissima erat pupilla, mobilisque absente aequae ac praesente nebula. Rigor tamen, obtutus fixus et difficultas mouendi bulbum oculi, dum nebula aderat, obseruabatur.

Bene



Bene valebat aeger eodem modo quouis die. Id vero quilibet morbi paroxysmus singulare habebat, vt incretceret sensim decretceretque subinde nebula, donec finito paroxysmo penitus euanesceret, quod quidem aliquando subito factum est: ita vt aeger prandiens e. g. difficulter cibos prehenderet, parumque videret, subito et vno quasi momento visum recuperaret.

Salia soluentia leniterque laxantia per quatuordecim dies sumenda praescripsi, quo quidem tempore morbus ne minimum quidem mutatus est. Tandem ad corticem peruianum confugiendum esse duxi, qui quidem adeo peiorem morbum reddidit, vt iam quouis paroxysmus duos dies duraret, tertius tantum quilibet dies a morbo liber esset. Abstiniui itaque et oleum caieput, animale Dippelii aliaque similia tentauui, ast pessimo cum effecto, morbus enim luculenter peior inde factus, aeger soporosus, obliuiosus, stupidus euasit, vt haberem, cur apoplexiam metuerem. Verbo, quicquid tentauui, nil profuit, increuit morbus



senfim, nullusque dubito fore, vt tandem vera amaurosis oriatur.

Varium itaque guttae serenae initium est. Plurimos sane vidi, qui sub primo morbi initio fumum nebulamque sibi ante oculos esse querebantur; quae sensim densior fit, donec obiecta penitus obtegat. Singulare hoc est, nec opacitati humorum oculi tribuendum, quorundam enim pupilla nigra purissimaque est; quibusdam pallor ille pone pupillam erat, leuiusculus autem, cum fumus, de quo querebantur, densus crassusque esset: neque nebulam eiusmodi semper opacitati cuidam tribuendam esse, probat modo enarratus casus.

Vidi quoque, quibus rete aliquod, vel tela quasi aranea ante omnia obiecta expansa, tenuior rariorque initio, sensim vero densior obiectaue penitus obtegens, apparuit. An forsan vasis retinae tumidis mollem retinae pulpam comprimantibus tela haec debetur? An non haec etiam tam varia prima morbi initia, variam morbi causam, variam illius indolem esse probant?

Sub-

Subito aliquando, aliquando vero lente oritur morbus, sensimque increfcit. Benigniore plerumque effe morbum, qui subito, pertinaciorẽ, quando lente oritur, obferuaffe mihi videor. In priori cafu congestionem humorum ad caput, vel fpasticam neruorum affectionem aliquando manifefto arguendam effe, experientia docet. Ecclefiafticum noui, qui vehementer iratus, subito occaecatus eft; adeo, vt solem fplendentem fine omni luminis fenfu infpicere poffet. Sumto altero mane vomitorio, quod figna fordidum biliofarum requirere videbantur, vifum eodem die recuperauit. Piftor iuuenis plethoricus, dum ponderofam fubactae farinae maffam depferat, vifum fibi imminui fenfit; cumque eodem die fequentique eodem opere iterum iterumque perfungeretur, tertio die vifum penitus perdidit. Vena pedis fecta, vnciiſque duodecim fanguinis emiffis, rediit aliquis luminis fenfus; fortique remedio purgante exhibitõ, integer rediit vifus. Nonne prioris aegri morbus neruorum cuidam affectioni, posterioris autem humoribus ad caput congestis debe-



batur? Puero quatuor annorum, qui intra quatuor dies visum, integrum ante, amiserat, purgante anthelmintico (abdomine scilicet tumido signisque vermium abdominalium simul laborabat) quod magnam lumbricorum copiam expulsit, exhibito, et usu radices valerianae per octo dies continuato, visum restitui. Celsus SCHMUCKER saepissime se vidisse milites sub itinere praecipiti, die feruido, onera inprimis grauiā gerentes, subito visum perdidisse; recuperasse iterum vena secta, posteroque die tartaro emetico scopo vomendi sumto. Si haec remedia non restituebant visum, vena iugularis aperiebatur, usus tartari emetici repetiebatur, et vesicatorium applicabatur, quae quidem remedia morbum plerumque tollebant.

Attamen tam benignae indolis non semper est amaurosis, quae subito oritur. Nobilem noui feminam, quae salutatione vehementer incallescens media nocte nudoque pectore in hortum descendens ibique obambulans subito visum perdidit, neque iterum, quicquid etiam medicamentorum tentaret, recuperauit.



Humores nimia vi et copia ad caput  
 redundantes, amaurosin subinde parere,  
 mea me aliorumque experientia docuit.  
 Memorabile narrat Boerhaavius exem-  
 plum viri, qui quoties ebrius esset, oc-  
 caecatus est, et discussa ebrietate visum  
 iterum recuperavit. Feminam Cel-  
 RECHLIN vidit, quae fluxu menstruo  
 suppresso subito occaecata, vidit iterum  
 simulatque sanguis iterum prodibat; re-  
 diit tamen dein semper amaurosis, quo-  
 ties instabat fluxus menstruus, evanuit  
 illa, simulatque ille apparuit. Homi-  
 nem novi, qui dum incurvo valde cor-  
 pore graue portabat onus, oculos sibi  
 obnubilari sensit; increvit dein haec ocu-  
 lorum hebetudo, et post aliquot hebdo-  
 mades perfecta orta est amaurosis, cui-  
 cunque remediorum generi resistens.  
 Plurimos eorum, qui in metallifodinis  
 hercinicis laborant, amaurosi corripì ob-  
 servavi; interroganti mihi, quidnam  
 illis negotii esset in cryptis illis subterra-  
 neis, plerique responderunt, gravia se  
 quotidie prono corpore portare onera.

Ophthalmiam vehementem pertina-  
 cissimam creare amaurosin expertus sum.

Viro

Viro quadraginta annorum cataracta, quam ante decem annos optimo cum successu deprimi sibi passus erat, subito fortuitoque ascendit iterum; et per pupillam in cameram anteriorem prolabitur, et paulo post, vehementem oculi inflammationem parit, quae, cum non aderat, qui incisa cornea extrahere lentem audebat, per quinque hebdomades aegrum eadem vehementia excruciat. Tandem ad me venit; extracta lente ophthalmia quidem evanuit; perditam autem durante ophthalmia huius oculi videndi facultatem aeger non recuperavit.

In omnibus his casibus redundantiam humorum ad caput arguendam esse, luculenterque conuenire remedia, quae sanguinis copiam, illiusque impetum a capite auertunt, ad partes remotas deriuant, quis est, qui negat? Iure hic commendantur repetitae venae sectiones, purgantia, hirudines ad palpebras temporaque appositae, aliaque similia. Locum hi imprimis habet, et insigni cum successu a me quoque aliquando adhibitus est, vsus aquae frigidae externus, quem



quem Cel. BLOCH in paralyfi aliisque morbis ex congestione humorum ad caput ortis, iure adeo extollit. Splenia crassa aqua frigidissima madida in tali casu oculo, temporibus frontique aliquoties per diem imponi iussi, et hoc quidem remedio incipientem amaurosin aliquoties discussisse mihi videor.

Neque tamen haec remedia, quamvis luculenter indicata, morbum semper tollunt; adeo videtur impetus humorum ad oculum subito ortus, quamvis statim et celerrime tollatur, breui tempore labem immedicabilem inferre partibus, quas afficit. An dilatatio vasorum varicosa, vel vera extrauasatio argui hic possit, ego quidem determinare non audeo.

Qui in aliis oculorum morbis, in hoc quoque morbo observatur insignis inter vtrumque oculum consensus, haud facile quidem explicandus, luculenta tamen faepe, ut puto, causa vitii cuiusdam vnius oculi ad alterum transeuntis. Venator quidam minoribus globulis ex sclopeto proiectis vulneratur, quorum vnus per superio-



perio rem palpebram in orbitam penetrat, et quamvis neque bulbum oculi laederet, neque inflammationem aut dolorem excitaret, post aliquod tamen tempus amaurosin perfectam peperit. Haud diu post, cum globulum hunc excindi non pateretur, in alio quoque oculo integerrimo hucusque omnis vitii experte sponte amaurosis orta est. Simile et notatu dignissimum exemplum habet s t. y v e s. Raro plerumque reperies, vnum tantum oculum amaurosi adfectum, vterque plerumque laborat: et si quando forsan vnum tantum oculum morbus adficit, cito satis tamen plerumque ad alterum transit.

Subitum magnumque terrorem amaurosin parere posse immedicabilem, probant sequentes casus, qui mihi occurrerunt. Femina quaedam quarta puerperii felicitis hebdomade aspectu filioli e mensa in terram prolabentis fracturaque ossis humeri affecti subito perterrefacta intra paucos dies visum penitus perdit. Post tres hebdomades me adiit, auxilium petens. Post remedium purgans exhibui ter de die scrupulum radicis valerianae, cuius ope intra 8 dies penitus conualuit.

Nobi-

Nobilis quidam iuuenis, qui curae  
 meae se commisit, sequenti occasione vi-  
 sum perdiderat. Fulgur scilicet tempe-  
 state orta summa cum vehementia proxi-  
 me illum decidens carissimamque cogna-  
 tam occidens visu motuque perterritum  
 illum subito priuat. Rediit quidem  
 paullo post motus visusque, remansit  
 tamen in oculis, sanissimis ante, labes,  
 increscens dein sensim ad amaurosin vs-  
 que perfectam, quae, quicquid etiam  
 tentaretur, nullo modo tolli potuit. Il-  
 lud inprimis in hoc casu memoratu di-  
 gnum est, dextrum illius oculum peni-  
 tus occaecatum et ne minimum quidem  
 summi splendoris sensum habentem, ob-  
 iecta ad latus externum posita obscure  
 vidisse, quamquam tota pupilla clarissi-  
 ma appareret.

In dissitis saepe locis, et inprimis qui-  
 dem in praecordiis incognitam saepe la-  
 tere guttae serенаe causam, probant ex-  
 empla plurium aegrotorum, qui post  
 vehementes animi adfectus, vel diu-  
 turnos moerores, visum perdiderunt;  
 probat vomitoriorum egregius in amauro-  
 si



rosi effectus; probant symptomata varia non raro amaurosin comitantia, quae labem viscerum abdominalium produnt; probant tandem sequentes observationes.

Iuuenis viginti quatuor annorum post febrem acutam amaurosi sensim corripitur perfectissima, adeo ut, cum ad me veniret, ne splendidissimi quidem solis radiorum minimum haberet sensum. Morbus annum et dimidium durauerat, cum curae meae aeger se committeret. Facies illius pallida tumida erat, appetitus abolitus, coctio ciborum languida, omnium functionum vigor imminutus, somnus turbulentus, pupilla purissima quidem, adeo vero dilatata, ut iridis vix vestigium appareret.

Primum illi exhibui tartari tartarificati drachmam dimidiam, quam per tres dies ter quotidie sumsit. Quarto die ad me venit, et de insigni nausea et vomitione, deructibus nauseosis, fastidio ciborum summo, et inquiete totius corporis querulo exhibui grana duo tartari emetici, quae copiosam materiem viridem, acer.



acerrimam dentes corrodentem euacua-  
uerunt. Die quinto dextrum oculum  
luminis aliquem sensum habere, fini-  
strum vero fenestram tantillum distin-  
guere, laetus mihi narrat aeger. Oculos  
cum inspicerem, pupillam paullo magis  
contractam reperi; vnde pergendum mi-  
hi esse via, quam ingressus eram, pu-  
tans, iterum exhibui drachmam dimi-  
diam tartari tartarifati ter quotidie per  
tres dies fumendam.

Die octauo, aegro vertiginoso, de  
summo capitis dolore, sapore oris maxi-  
me nauseoso, cibos fastidienti, iterum  
duo grana tartari emetici exhibui. Vo-  
muit ille septies acrem viridemque sabur-  
ram. Die nono summa cum voluptate  
vidi latiore esse iridem, angustiore  
pupillam; aeger vero colores se iam  
distincte, maioraque obiecta quasi vm-  
bras videre, narravit. Pallor tumorque  
faciei imminui, appetitus ciborum,  
laetior aspectus, functionumque omnium  
vigor redire iam incepit. Solus iam  
subinde obambulauit aeger; ego autem  
tartarum tartarifatum ter quotidie fumen-  
F dum;

dum, et die duodecimo vomitorium iterum exhibui.

Die decimo tertio solus ad me duce non amplius egens venit aeger, et quotidie increfcere videndi facultatem narrat. Naturalis iam fere erat magnitudinis pupilla, libere, quamvis paullo feignius adhuc mouebatur iris; maiora, immo minora quoque, diftincte fatis videbat aeger, folus obambulabat, fimulatque vero folis fplendor cubiculum impleret, caecus quafi fletit.

Vt magis adhuc increfceret oculorum vigor, electricitate vti fuafor illi fui. Vfus illa eft per quatuordecim dies, aft fine omni emolumento. Inde liquorem terrae foliatae tartari cum extracto trifolii fibrini per quatuordecim dies fumfit, cui, cum quotidie adhuc augeri oculorum aciem viderem, addidi tandem tincturae martis cydoniatae aliquid; quorum medicamentorum ope factum eft, vt, qui ante duos menses penitus occaecatus ad me peruenerat, aeger, folus iam obambulet, obiecta maiora clare videret,

ret, libros literis maioribus impressos legeret, omniumque totius corporis functionum vigore restituto egregia frueretur sanitate.

Simplicissima hac methodo in aliquo quoque casu, non quidem tam egregio cum successu, insigni tamen cum emolumento usus sum. Iuuenis Hildesiensis viginti et aliquot annorum, vtriusque oculi perfecta amaurosi laborans me adiit, rogans, ut visum illi restituerem. Mobilis erat, splendidissimique nigroris pupilla, aeger vero sanissimo corpore praeditus, ut vitium, cui gutta serena tribui posset, nullo modo detegi posset. Cum valde se iracundum esse confiteretur, variisque moeroribus aliisque animi adfectibus ab aliquot iam annis se perpetuo agitatum esse narraret, praecordiis hic inprimis prospiciendum esse putavi, et liquore terrae foliatae tartari plenum cochleare ter quotidie sumi iussi. Quarto die plurima in tota corporis superficie punctula rubra apparuerunt insigni cum pruritu, rediitque tantillus luminis sensus. Tartari tartarifati drachmam dimidiam ter quotidie iam



exhibui. Septimo die totum aegri corpus punctulis illis rubris valde prurientibus tectum quasi erat, aeger vero adeo vertiginosus, ut stare vel obambulare vix posset: de dolore capitis simul insigni, appetitu prostrato, sapore in ore valde ingrato querebatur.

Sumisit ille octauo die vomitorium, quod ingentem foetidae acerrimaeque saburrae copiam euacuabat, et egregio quidem cum leuamine; euauit enim vertigo, dolor capitis, nausea, rediit appetitus ciborum, oculorumque vigor adeo increuit, ut iam colores maioraque obiecta aeger distingueret. Sumisit ita iterum tartarum tartarifatam per quatuor dies, quibus elapsis rediit iterum nausea vertigo fastidium, quae quidem symptomata emeticum iterum dissipauit. Sannissimum iam se esse, plurima obiecta satis distincte se videre, solum quoque se obambulare posse aeger affirmavit. Speraui inde fore, ut, quae tantum iam attulerant salutis, integrum visum restituerent medicamenta; ast spes me fefellit, morbus enim, qualis iam erat, mansit,

fit, quanquam plurima remedia et inter alia mercurialia et electricitatem tentarem, unde aeger, nisi insigni, aliqua tamen videndi facultate praeditus abiit.

Pictorem quendam pallidum debilem, pupilla quam maxime dilatata, summa visus debilitate, verbo, amaurosi incipiente affectum, usu liberaliori liquoris terrae foliatae tartari et pulueris cachechici Quercetani integerrimae sanitati restitui.

Inter insigniora contra hunc morbum remedia tartarum emeticum eminere, mea me, aliorumque, inprimis Cel. SCHMUCKERI et THEDENII observatio docuit. Neque efficaciori dosi, ut vomitum excitet, exhibere illum debes, conuenit saepe magis refracta illius dosi, aut saepe repetita, sub qua potenter resoluit, nauseam mouet, et non nisi subinde vomitum excitat. Conuenire autem illum iis inprimis in casibus, ubi viscera abdominalia stagnantibus lacescentibusque humoribus liberanda sunt, ego quidem puto.

Arnicam, quam tam mirabili et inaudito plane cum successu adhibuit Cel. COLLIN, ego saepissime adhibui, ast sine ullo emolumento, quamuis magna fatis dosi exhiberem illam, illiusque usum diu fatis continuarem. Bis illa iridi mobilitatem, oculo autem non sensibilitatem restituit.

Sal volatile cornu cerui, quod tam audaci dosi, et tam egregio cum effectum exhibet Cl. DEMOURS, bis ego aegrotis amaurosi affectis dedi. Vtroque autem aegro, haemorrhoidalem fluxum sanguineum tam copiosum mouit, ut abstinere ab hoc remedio oportuerit.

Electricitatem, iactatum illud contra pertinacissimos morbos remedium, iterum iterumque adhibui, et ne semel quidem tantillum boni effectus praestitisse obseruaui.

Pulsatillam a Cel. STÖRKIO adeo laudatam quater inertem inueni.



Mercurium , quo solo vnicum ex plurimis aegris sanauit Cel. ROWLEY, profuisse nunquam obseruaui.

Fontes martiales Pyrmontanas, ad quos confugiunt plurimi aegrotorum, plerumque nocuisse obseruaui.

## CAPUT VI.

*De Cataractae extrahendae methodo  
nova.*

Quamuis operationem, qua cataracta extrahitur, recentior Chirurgorum industria egregie perfecit, nondum tamen, quicquid difficultatis illi adhaeret, penitus sublatum est. Non raro saltem fit, ut, qui operatione restitutus fuit visus, sensim citius vel tardius iterum pereat, atque ita, effectus, quem praestat haec operatio, durabilis et constans non sit, sed temporarius. Neque argui potest mala Chirurgi dexteritas, dexterime enim peractam operationem non raro post aliquod tempus nova sequitur caecitas. Palliativam inde tantum opem ferre hanc operationem, neque praerogatiui aliquid habere prae depressione, cum illam aequae ac hanc nova sequatur caecitas, verbo tanti momenti non esse  
ope-

operationem hanc, quanti aliqui illam esse voluerunt, sunt, qui obiiciunt.

Ego quidem, qui frequentissime hanc operationem peregi, neque sine successu, lugens saepe vidi visum optime restitutum integrumque sensum sine omni causa apparente, quicquid etiam facerem, ut illum seruarem, perire, nefandamque hanc secundariam caecitatem duplici in primis causae tribuendam esse comperi.

Cataractam aliquando esse morbum mere topicum, id est, in integerrimo caeterum corpore oriri, aliquando vero vniuersi cuiusdam corporis morbi symptoma et effectum esse, iterum iterumque obseruavi. Arthriticos, podagricos, scrophulosos hoc morbo saepe affligi, comperi, neque alios, ut venereos, potatores, varioque modo cachecticos cacochymicosque raro corripit. In omnibus autem his, aliisque similibus casibus, cataractam ex vitio vniuersali corporis oriri, vel materiae cuiusdam morbosae ad lentem decubitu, vel alio quocunque demum modo, credere fas est. Magni



itaque momenti regula est, quae iubet, Chirurgum famae suae studiosum sollicite semper inquirere, posterioris an prioris indolis cataracta sit, quam extrahere vult. Prior localis optima est; iure enim speras, fore ut operatio illius facile procedat, insignia incommoda haud pariat, atque visus restitutus non iterum pereat, cum causa caecitatis, quae topica erat, cum morbo ipso quasi sublata sit.

Contra vero posterior iure metum incutit, non solum ne malae indolis cataracta sit, cum causa illius vniuersalis praeter lentem crystallinam alias quoque oculi partes afficere potest, sed etiam ne symptomatum cohors operationem sequatur, oriundorum ex ipso illo fonte, ex quo caecitas nata est. Tandem, quod huc inprimis pertinet, fidere in tali casu visui restituto non facile poteris, et frequens sane experientia me docuit, fidendum illi non omnino esse; cum causa, quae ante operationem aderat in corpore, et lentem obfuscabat, adsit adhuc, et lente extracta facile alias partes obscurare iterum, nouamque caecitatem parere possit.

Du

Duplex fane in tali casu obseruanda regula est, prior, quae iubet tollere, vel vbi tolli nequit, imminuere ante operationem causam illam, vel vitium illud vniuersale, quod cataractam genuit; vel si nec hoc fieri potest, abstinere ab operatione, vel vbi voluntati aegroti obsequendum est, non nisi sub dubia prognosi illam peragere: altera regula, quae suadet, visus restituti curam post operationem habere maximam, et inprimis cauere, ne nouus ad oculum decubitus visum perdat, quod variis quidem, inprimis vero, vti ego obseruaui, vlceribus artificialibus fieri potest.

Sed ne in priori quidem casu, vbi ex locali mere causa orta cataracta est, certus semper es, fore, vt parta tuearis: nam hic quoque non quidem frequentissime, neque tamen etiam raro, visus restitutus perit. Secunda illa visus obscuratio, quoad ego quidem obseruaui, neque frequens obseruandi occasio mihi defuit, semper sedem habet in capsula lentis crystallinae post operationem in oculo relicta, quae opaca fit, cum iride non  
raro

raro concrefcit , iridemque coarctat,  
immo claudit.

Annon itaque fecundam hanc caecitatem tam nefandam, tam frequentem, optime tutiffimeque cauet, qui capsulam, fedem futurae forfan fecundae caecitatis, cum ipfa lente cryftallina femper extrahit? Male quidem puto cataractam hucusque ex aperta capsula extractam effe, cum verosimillimum femper fit, capsulam relictam progressu temporis obfufcari. Nonne enim credere fas est, lentem induratum vel colliquefactam, membranam illam teneram, qua arcte circumdatur, vitii, quo laborat, participem reddidiffe, ita vt, etiamfi tempore operationis, labes, quam concepit capsula, nondum appareat, fucceffu temporis tamen, in perfectam opacitatem increfcant? An possibile est, credere, lente liquefacta capsulam integerrimam effe. An credi potest, apertam operatione, laceratam, lente fua priuatam vacuamque capsulam, post operationem, tanquam partem superfluam et plurimum perpeffam, manere poffe sanam pellucidam-



cidamque? Annon illud ipsum, quod sub operatione perpeffa est, augebit, quae iam illi impressa est, dispositionem morbosam? Annon, vbi ex vitio vniuersali nata est cataracta, post operationem remanens capsula commodam nouae metastasi sedem praebebit.

Inde ego quidem credo, depressionem, quae, vti dein demonstrabo, lentem plerumque cum ipsa sua capsula deprimit, prae extractione, quae capsulam relinquit, huc vsque veram praerogatiuam habuisse, quamquam omnes vno ore ex nouitatis amore antiquam hanc operationem contemnant floccique pendant. Arbitror inde quoque, qui capsulam semper cum lente extrahit, secundariam illam caecitatem, nisi semper, plerumque tamen praecauere: legemque inde condendam esse, quae semper extrahi cum lente capsulam iubet.

Cataractae membranaceae, quae subinde occurrit, signa varia a variis auctoribus tradita, dubia quam maxime sunt, et fallacia. Difficillime, et quid impedit,

dit; quominus dicam, non omnino cognoscenda ante operationem est illa, quae posteriorem capsulae crystallinae membranam occupat. Nunquam itaque certum aliquid de cataractae indole et successu operationis praenuntiare poteris, cum dubium semper sit, annon praeter lentem illius etiam capsula obfuscata sit. Omnibus his difficultatibus supersedet, qui lentem cum capsula sua extrahit; ille enim cataractam membranaceam non metuit; successus operationis semper securus est, sit cataracta crystallina vel membranacea.

Immo tertium aliquod adhuc insigne commodum promittit proposita haec nova cataractam extrahendi methodus. Quis est, qui ignorat, extracta lente remanere saepissime opaci aliquid, quod extrahi debet, aliquando autem difficillime extrahitur. Fac extrahi posse, non tamen negabis molimina illud extrahendi prolongare operationem, oculum male afficere, inflammationisque periculum augere: non negabis, extrahi non posse sine distractione et contusione capsulae

lae, metum cataractae secundariae, incutiente. Adde, frustulum illud opacum in circumferentia capsulae saepe haerere, neque tunc statim post operationem conspici, post aliquot tandem dies in conspectum prodire, ubi coalitum iam est vulnusculum corneae, et extrahi non amplius potest.

Neque obiici potest, nova semper, quando aliquod tempus post extractionem lentis crystallinae, oritur secunda caecitas sedem in capsula obfuscata habens, operatione aperiri corneam, extrahique opacam capsulam posse, opusque itaque non esse, statim semper prima operatione extrahi cum lente capsulam a Chirurgo, nescio, an vitii aliquid contraxerit capsula nec ne, in primis cum rarum satis sit vitium capsulae. Attamen secundam eiusmodi operationem plurimum difficultatis habere, ego quidem arbitror. Aeger enim prioris operationis infelici exitu perterritus non facile submittet secundae: neque adest, ubicunque locorum Chirurgus, cuius dexteritati confidere aeger possit; rara est pluribus in regionibus



bus occasio potiundi medico harum operationum gnaro. Sed mitto haec, alia enim habet obstacula multo maioris momenti secunda haec operatio.

Plerumque cum secundaria cataracta sedem in obfuscata capsula habente coniuncta est pupillae praeternaturalis angustia vel coalitus, id quod iterum iterumque observaui. Capsula quoque opaca plerumque cum vvea et membrana hyaloidea firmisse cohaeret, vt iam neque per pupillam ad capsulam peruenire, neque si perueneris, capsulam extrahere possis sine violentia et laesione partium, quibuscum praeternaturaliter cohaeret.

Praecipua autem quaestio, quae iam oritur, est: an facile et sine damno extrahi potest capsula? En varia argumenta, quae tuto et facile illam extrahi posse, probant.

Ego, qui frequenter operationem cataractae peregi, quater inscius, saltem inopinatus, extraxi lentem capsula sua luculenter obuolutam; hasque lentes extra-

etas

ctas adhuc seruo. Facile prodibat lens, neque dolor, neque aliud symptoma molestum sequebatur. Effectus harum operationum exoptatissimus erat; egregie enim aegri visum recuperabant. En observationes, quae luculenter probant, facillime et optimo cum successu capsulam subinde extrahi posse. Facile quidem intelligo, talem aliquando esse posse morbosae lentis et capsulae affectionem, ut cum partibus, quibus cum naturaliter cohaerent, laxae et parum cohaereant; et, contrario iusto firmiorem ex morbo illius cum partibus vicinis cohaesionem subinde esse posse.

Qui deprimunt cataractam, lentem solummodo deprimere sibi videntur, capsulamque in loco suo remanere putant. Ego vero puto, plurimisque experimentis persuasus sum, hac operatione plerumque capsulam cum lente deprimi. Siquae itaque deprimatur facile capsula, cur non extrahatur? Deprimi autem, sequentia probare videntur. Saepissime coram auditoribus operationem depressionis legitimo modo peregi in oculis suillis, disiectisque dein illis lentem capsula sua integra indutam semper reperi.



Nec alioquin sane facile explicari potest, quomodo fieri possit, ut lens depressa diu, interdum aliquot annos post operationem iterum ascendat. Capsula enim si in loco suo remanet, vacua, vtrinque ab humore vitreo aqueoque compressa tandem coalescat necesse est, vel adeo corrugetur, ut nouum post aliquot tempus introitum lenti non omnino concedat. Et quomodo quaeso fieri posset, ut lens ascendens per pupillam in cameram anteriorem prolabatur, id quod factum subinde est, et ipse ego factum esse obseruaui, cum capsula in loco suo haerens obstaculum illi ponat. Quid quod lens depressa, post aliquod tempus ascendens iterum, et in cameram anteriorem prolapsa, capsula sua inuoluta luculenter reperta subinde sit.

Certe quicquid dictum hucusque est, de via, quam transit in oculo acus, qua deprimitur cataracta, modoque, quo deprimit, fictum falsumque mihi esse videtur. Credunt scilicet, acum iusto loco in bulbum oculi immerfam retro penetrare in capsulam, inter posteriorem  
illius



illius membranam lentisque crySTALLINAE posteriorem superficiem, dum eleuatur, ascendere; imponi dein superiori lentis margini, deprimere dein lentem deorsum contra inferiorem et posteriorem partem capsulae, quae distenta rumpitur tandem, viamque concedit lenti, qua egrediatur e capsula, et descendat ad fundum oculi. Ego vero persuasissimum habeo, acum in loco, quo visus non penetrat, tam accurate moueri nullo modo posse, vt angusta illa via haud excedat: plerumque illam extra capsulam diuagari, superiori capsulae parti imponi, et sic necessario capsulam cum lente deprimere; id quod experimenta in oculis suillis capta luculenter probant.

Ridicula itaque mihi videtur opinio illorum, qui adeo tenacem aliquando capsulam esse putant, vt in inferiori sua parte a lente depressa distenta, non rumpatur, sed cedat, elongetur, deorsum cum lente descendat, acu autem eleuata, ascendat iterum, lentemque, quam continet, secum sursum trahat: vocant hanc

G 2      cata.

cataractam *elasticam* (à ressort). Rideliculus mihi videtur consilium; quod praecipit in eiusmodi casu incidere prius acu posteriorem inferiorem partem capsulae, viamque parare, qua exeat, simulatque deprimitur, lens crystallina. Qui hanc methodum, quae a Cel. FERREIN nomen habet, sequuntur, certissime id non agunt, quod agere sibi videntur a). Dari cataractam, quae acu depressa cedit, ascendit iterum acu eleuata, repetitque hunc motum, quoties repetitur motus acus, non nego: hanc vero saltationem non tenacitati capsulae, quae rumpi nequit, sed praeternaturali et firmiori illius ad humorem vitreum aliasque partes adhaesioni, ob quam solui et deprimi nequit, tribui debet.

Potest itaque et debet extrahi capsula cum lente crystallina. Sed quomodo extrahi possit, iam exponendum. Erunt for-

a) Plura egregia repetita experientia probata contra hanc methodum profert Cel. ACRELL in *Skriftväxling om alla brukeliga Säte at operera Starren på ögonen*. Stockholm 1766.



forſan, qui lentem prius exprimendam, deinceps forſipula prehendam, et extrahendam eſſe putant: difficulter autem ſic negotium peragi puto, cum diſrupta operatione membrana cryſtallina ſe retorqueat, reſiliatque ad circumferentiam proceſſuum ciliarium, et voſſellâ inde nullo modo prehendi, imo cum pellucida ſit, ne conſpici quidem poſſit. Membranam autem poſteriorem capſulae vix ſolam prehendes, ſemper ſimul prehendes membranam vitream, protrahesque humorem vitreum. Adde, ne facile quidem prehendi, cum extenſa ſit.

Inde ego quidem puto ſemel et ſimul extrahendam eſſe capſulam et lentem, id quod ſequenti modo aliquoties cum egregio ſucceſſu peregi. Inciſa cornea, capſula aperienda non eſt, ſed ſtatim immitti debet acus acuta tenera tubulo paruo, qui retrorſum antrorſumque, vt cuſpidem tegat, moveri poſteſt, inſtructam, et mediae lenti inſigi. Quo facto, ope huius acus lens eleuari, deprimi, dextrorſum, ſinistrorſum moveri iterum iterumque, caute tamen, debet, donec his agitationibus



bus, quaquauerfum directis, capsulae ad partes, quibuscum cohaeret naturaliter, adhaesionem solutam esse, credere fas sit, acum dein inter digitos rotando, lente, in quam defixa est, expedias, quo facto ad leuem bulbi oculi compressionem lens cum capsula prodit. Si, dum prodit, adhaerere illam hinc inde adhuc cognoscis, paruum *Danielis* cochleare facile soluit, quod soluendum adhuc est; fieri tamen hoc debet opportuno tempore, i. e. antequam lens penitus prolabatur, ne partes, quibuscum adhuc cohaeret, simul protrahat.

Si ad leuem compressionem non prodit lens, repete agitationes supra descriptas; si vero nec tunc prodit, insolitam iustoque firmiorem illius esse cohaesionem putandum est, capsula itaque aperienda, lensque relicta capsula extrahenda est. Vltiori experientiae relinquo, an, quae proposui, reiicienda vel prosequenda sint.

Id quod inprimis obiici nouae huic methodo potest, est periculum prolapsus humo-

---

humoris vitrei. Parum vero ille metuen-  
dus, si caute rem peragis; immo protu-  
berantem per pupillam, separata capsula  
retrogradi quasi aliquoties vidi. Ceterum  
metuendum non omnino esse prolapsum  
huius humoris, etiamsi accidit, quis est,  
qui nescit? Illos saltem, qui hanc Chi-  
rurgiae partem, qui oculorum morbos  
tractat, exercent, his admonere volui,  
ut pericula faciant, experimentisque euin-  
cant, quicquid incommodi et difficulta-  
tis, quicquid commodi veraeque vtilita-  
tis, insit methodo, quam proposui.  
Ceterum non esse meri ingenii partum  
in museolo natum, sed apud aegroto-  
rum lectulos non solum primum conce-  
ptum, sed et iam aliquoties in ipsis aegris  
peractam, mementote.

---

## CAPUT VII.

*De Staphylomate.*

**F**allor, si vera sunt, quaecunque de staphylomatum ortu et natura auctores hucusque perhibuerunt. Morbi quidem, de quo toties tantumque scriptum et dictum a tot tantisque viris est, naturam incognitam adhuc esse, non facile deerunt, qui dubitant; ast non raro factum est, ut, quod ratione adeo, explanatum probatumque erat, ut nulli omnino dubio locus superesse videretur, experientia tandem falsissimum esse demonstraret. Quod de staphylomatum natura in libris expositum est, adeo arridet, ut verius aliquid dici posse negaueris; nihilominus tamen ego, qui frequentissima, inprimis post ultimam variolarum epidemiam hunc morbum observandi occasione usus sum, credendum speciosis his ratiociniis non semper esse, iterum iterumque comperi; certe adfirmo,



mo, me causas, quas vnanimi consensu morbum hunc producere auctores asserunt, frequenter obseruasse; vbi tamen morbus secutus non est: me frequenter oriri morbum vidisse nulla harum causarum praegressa; omnia fere, quae contra hunc morbum laudantur a scriptoribus, remedia sedulo frequenterque me adhibuisse, neque vnquam sanasse morbum: et contra me sanasse morbum hunc aliquoties remediis, quorum pauca vel nulla in plerisque libris fit mentio; et quae id, quod praestandum hic esse plerique auctores contendunt, nullo modo praestare possunt. Haec, quae quotidiana, cuilibet facile obuia, quemlibet docere potest experientia, a me primo dici, non miraberis, si cogitas; partem illam medicinae, quae morbos oculorum complectitur, auulsam quasi a toto corpore, empiricorum aliorumque inferioris fortis hominum manibus traditam relictamque diu fuisse. Sed de his omnibus plura iam exponere animus est.

Duos plerumque morbos diuersissimae naturae staphylomatis nomine insi-

gnire auctores solent, prolapsus scilicet iridis ex corneae vulnuscule vel vlcere; et corneae vel scleroticae praeternaturalem in loco quodam expansionem et intumescuntiam. De priori staphylomatis specie nil habeo, quod moneam; de posteriori tantum sermo hic mihi erit. Rarum est staphyloma scleroticae; ego quidem semel tantum illud vidi in angulo externo oculi magnitudinis pisi, coloris fusci, post contusionem natum. Frequentiora sunt staphylomata corneae, quae in totalia vel partialia diuidunt auctores. Frequentiora posterioribus esse priora comperi; atque de his iam verba facturum sum.

Protuberat cornea staphylomate sic dicto totali adfecta, valde conuexa est, et quasi conus ex orbita prominet; si insigne illud est, genae incumbit, illam fricat, immo excoriat, palpebras, inprimis inferiorem, propellit, inuertit, ectropium parit et lippitudinem; semper quoque, quo minus claudantur palpebrae, impedit. Vnde bulbus oculi aëris externi attactui perpetuo expositus, impuri-

tati-

tatibus ex aëre subsidentibus perpetuo inquinatus, frictione et attritu ad margines palpebrarum ciliis instructos, superioremque genae partem irritatus, acriter saepe dolet, rubet, inflammatur. Minus haec omnia metuenda sunt, si insigne staphyloma non est. Opaca vero plerumque simul cornea est, et lucis in bulbum oculi transitum intercipit; unde aeger dolore vexatus, visu priuatus, deformitate satis insigni adfectus, morbo sane graui laborat.

Praeternaturali modo in hoc morbo corneam distentam dilatatamque, camerae oculi anterioris capacitatem insignem in modum auctam esse, totumque itaque morbum nomine herniae corneae insigniri debere, plurimi hucusque putarunt; adstringentibus remediis, vel externa compressione ad pristinos limites corneam, ad pristinam capacitatem cameram anteriorem reduci hic debere, omnes fere vno ore adfirmant. Nec negari potest, externam morbi speciem vulgari huic opinioni non parum fauere, immo exstare vere casus de vera et insigni



signi corneae dilatatione. Talis e.g. est casus, quem in epistola ad HEISTERVM BVRGMANNVS *b)* narrat: et ipse ego virum noui, cuius sinistri oculi cornea adeo dilatata est, vt camerae anterioris capacitas sanam saltem quater superet: neque dubito alios quoque similes casus obseruasse. Parum tamen haec probare puto; prior enim casus certe adeo singularis est, vt vix fidem mereatur; alter autem luculenter potius ad hydrophthalmiam quam staphyloma referendus est. Eorum, qui staphylomate corneae totali laborant, corneam, nisi semper, plerumque tamen certe haud distentam et dilatatam, cameram anteriorem haud iusto maiorem esse, sequenti ratione me docuit experientia.

Incisione saepe aperui staphylomata eiusmodi, et semper obseruavi, parcissimam, certe iusto multo minorem effluxisse quantitatem humoris aquei, eoque elapso, parum immo non omnino subsedisse corneae tumorem.

Cor-

*b)* vid. HALLERI Diff. chirurg. Vol. I. pag. 251.

Corneam, cum illam discinderem, non distentam et tenuem, sed semper tam crassam reperi, ut plerumque lineam vnā, immo duas, crassitie aequaret. Certe profunde semper secandum est, antequam cultellus in cameram anteriorem penetrat, et haec quidem, cum aperta est, minima semper reperitur. Immo vidi aliquando illam penitus abolitam fuisse, internamque corneae superficiem ad iridem adhaesisse.

Non raro nodi tuberculaque caput aciculae plerumque aequantia, immo maiora, in externa superficie corneae staphylo-  
mate totali laborantis conspiciuntur, vbi racemosum appellari solet staphylo-  
ma. Caua haec tubercula esse plurimi putant, et humorem aqueum continere, sed illa dissecui, et solida esse, non sacculos, sed veras excrescentias esse, comperi. Immo vidi tuberculum tale ter resectum, ter renatum esse.

Non solum tumidam praeter modum et crassam reperi corneam, sed vasa quoque illius adeo dilatata, ut sanguinem



rubrum admitterent. Saepe vidi incisam corneam staphylomate adfectam sanguinem rubrum insigni satis copia fuisse. Saepe etiam in externa illius superficie insignia satis conspiciuntur vasa rubra. Aliquoties staphylomata sub ipso ortu, certe recentissima, observare mihi contigit, quae cum discinderem, corneam crassam tumidam, albam, adeoque mollem reperi, ut lardum discindere mihi viderer, et vix camerae anterioris vestigium appareret. Luculenter vidi, non solam extrorsum sed et introrsum tumuisse corneam, adeo ut iridem tangeret. Concreescere aliquando corneam cum iride, et morbum inde nasci, quem synechiam vocant, notum est. Vix nisi elapso humore aqueo morbum oriri posse, plerique putant, cum humor ille, dum adest, remoueat a se inuicem has partes, et impediat, quo minus se tangant et concrecant. Neque tamen raro oriri hunc morbum experientia docuit, ubi humoris aquei iactura facta non erat, et ortus huius morbi difficulter itaque explicari poterat. Contigit ea quoque observare, quae ortum huius morbi bene explicant.

Mu-



Mulier vehementi ophthalmia laborans me adiit, consilium quaerens. Oculo aperto corneam tumidam albidamque reperio, cumque id puri in camera anteriori collecto deberi videretur, corneam, ut puri exitum pararem, incidi, illamque mollem tumidam lardo simillimam reperi. Crassa erat minimum lineam, puris nil effluxit, humoris aquei ne guttula quidem elapsa est: in fundo vulnuscule nigrialiquid apparuit, quod iridem esse credidi. Haec cum animaduernerem, manum cohibui, remediaque, quae ad dissipandam ophthalmiam adhiberi solent, adhibui efficacissima; unde factum est, ut post quatuordecim dies dissiparetur inflammatio, et quod inprimis mirum, sensim rediret pristina corneae pelluciditas crassitiesque: ast adhaesit cornea iridi. En observationem, quae et staphylomatosis et synechiae ortum egregie explicat. Docet illa, sub vehementi inflammatione adeo crassescere et introrsum intumescere corneam posse, ut iridem tangat et cum illa concreseat. Docet illa, tumorem illum corneae, quem staphyloma vocant, sub inflammatione oriri posse, neque in  
prae-

praeternaturali dilatatione, sed crassitie ex humoribus insigni copia ad corneam aduectis oriunda, nasci.

Quicquid debilitat corneam totam, vel quandam illius partem, staphylomatis ortui ansam praebere dicitur. Referunt huclnprimis ophthalmias chronicas humidas, abufum vnguentorum emollientium, vulnera, vlcera, variasque operationes chirurgicas, quibus externae corneae laminae rumpuntur, exeduntur, discinduntur, posterioribus integris manentibus, quae iam, cum omnem vim distendentem, quam exercent in tunicas oculi humores contenti, solae sustineant, cedere et in saccum dilatari dicuntur. Iterum autem, iterumque observavi, has causas morbum, quem semper parere dicuntur, non peperisse.

Aliquoties peregrinum corpusculum profunde in cornea latens exsecui, extracto illo cauum in cornea vidi profundum et amplum ad posteriores vsque laminas penetrans, quod aciculae maioris caput facile capiebat, staphyloma vero  
ortum



ortum non est. Quoties ulcera vidi lata satis, et externas corneae laminas penetrantia? Quoties lapide infernali externam corneae superficiem in loco quodam exedi? Quoties improvise cultelli ictu corneam vulneravi? Nec tamen in omnibus his casibus ne vnquam quidem staphyloma oriri vidi.

Quae ego observavi staphylomata corneae totalia, omnia vel post variolas, vel oculi contusionem et inflammationem orta erant. Arguunt quidem in his etiam casibus plerique auctores externarum laminarum corneae erosionem et disruptionem, sed affirmo, me nunquam hic quandam continui solutionem detegisse.

Atque haec quidem, quae iam exposui, nisi fallor, luculenter probant, corneam, quae staphylomate totali laborat, non distendi, sed humoribus inter laminas congestis intumescere, crassescere, cameram anteriorem non ampliari, sed potius subinde imminui. Neque parum ad talem intumescentiam cornea disposita est, valde enim porosa esse videtur, et in aquam coniecta brevi tempore mirum in modum intumescit. Facile ita-

H

que



que illant penetrant humores, emolliuntque. Bene inde iam explicari potest, cur quodlibet staphyloma totale à primo ortu opacum sit; pelluciditatem enim necessario perdunt humores, qui stagnantes spissescunt, coeunt; certe nondum vidi pellucida illa staphylomata, de quibus auctores loquuntur. Facile etiam intelligitur, cur recentia staphylomata mollia satis semper sint, inueterata tenacia, dura; sensim enim perdunt tenuitatem humores congesti et stagnantes, tandemque siccantur.

Id quod pluribus partibus, dum præter modum intumescunt, accidit, corneae quoque accidit, quae staphylomate adficitur; vasa scilicet illius, quae in statu sano adeo tenera sunt, ut non nisi tenuissimos admittant humores, morbo hoc adeo sensim dilatantur, ut crassioribus iam humoribus, ipsique sanguini rubro pateant. Iterum iterumque vulnera corneae staphylomate laborantis insignem sanguinis quantitatem plorare vidi. En nouum, quod sententiam meam de natura horum staphylomatium corroborat, argumentum.

Vnde

Vnde tubercula illa oriantur, quae superficiem staphylomatis externam non raro obsident, facile patet; sunt excre-  
scentiae lymphaticorum humorum ni-  
miae copiae huc congestae tribuendae.

Facile etiam perspicitur, qua ratione  
agant causae illae supra memoratae, va-  
riolosus scilicet morbus et contusio, quae  
morbi huius ortui frequentissime ansam  
praebent. Nunquam sub morbo vario-  
loso, semper post illum, et aliquando  
non nisi die decimo quarto vel vigesimo  
staphylomata oriri vidi. Vnde falli eos  
arbitror, qui tumente sub varioloso mor-  
bo facie, conglutinati palpebris, acres  
sub illis coerceri lacrymas, oculum irri-  
tare, inflammare, corneam erodere, et  
staphyloma creare putant; magnique  
momenti regulam esse contendunt, quae  
aperiri quotidie oculos variolosorum,  
sordesque sollicite elui praecipit. Repeto,  
me nunquam sub ipso morbo varioloso,  
sed semper post illum, staphylomata  
oriri observasse; et inde lego qui-  
dem arbitror, metastasin materiae va-  
riolosae post morbum in corpore reli-



ctae potius hic arguendam esse, quam irritationem quandam a lacrymis retentis. Confirmat hanc opinionem observatio, illis inprimis metuenda esse staphylomata, qui post superatum morbum variolosum non satis et tempestive purgantur, et nimis cito ad victum animale redeunt. Sed haec de ortu morbi sufficiant; iam de illius curatione.

Partem praeter modum distentam ad pristinam figuram, pristinumque volumen, externa compressione reduci posse, credere fas est; nec mirum inde, plurimos auctores compressione externa staphyloma sanari posse, aequae ac usu suspensorii herniam, contendere. Vario vero modo varii comprimunt corneam. Quidam spleniola, quibus lamina plumbea interiecta est, oculo imposita, fascia, quam capiti circumdant, firmant, apprimunt. Celebris ille Ophthalmiater, WOOLHOUSE patellam argenteam teneram politam, ad figuram externam bulbi oculi excavatam palpebris submittit, ut totam oculi anteriorem partem tegat, et palpebris clausis contenta, leuiter



uiter comprimat. Plurimum inprimis promittere quibusdam videtur commodi instrumentum illud, quod Cel. PLATTNERVS *c)* commendat, et depingi curauit, cum fronti alligatum non facile dimoueat, et patellae, quibus instructum est, ope cochleae ad quemuis gradum ad oculum apprimi possint.

Stabilis non est prior apparatus, facile dimouetur, et plerumque iustum compressionis gradum haud exercet; laxus nimis nil iuuat, strictus nimis dolores creat. Vix vnquam locus erit WOOLHOU-SI methodo; an enim putas ferre oculum contactum corporis duri, quod inter palpebras et bulbum oculi haeret, sine acerbissimo dolore? Neque PLATTNERI machina facile cum emolumento adhiberi poterit; blanda enim compressio nil praestat, neque tamen poterit non dolores excitare, et ideo morbum augere; quicquid enim inflammat oculum, morbo augmentum adferre iterum iterumque obseruatum est. Fortiorem sane quamlibet compressionem non fert oculus, blandior vero quaecunque nil

H 3

effi-

*c)* vid. illius Inst. chir. Tab. VI. Fig. XIII.

efficit. Accedit, mobilissimum illud organon, oculum, facillime se subtrahere instrumento comprimenti, dextrorsum, sinistrorsum moueri; saepe itaque comprimi partem oculi, quae comprimi non debet, et inde morbum potius augeri compressione, quam minui.

Atque haec quidem, quae adhaerere methodo comprimendi staphylomata puto incommoda, vere adhaerere, aliorum quoque, et inprimis GVERINI *d)* et JANINI *e)*, probat experientia, qui dolores ingentes, imo oculi iacturam, methodum hanc creasse affirmant. Sed quid opus est, his diutius inhaerere; sponte corrui; quicquid in laudem huius methodi ab auctoribus exstructum est, si, vti ego quidem arbitror, erronea est, quae de natura morbi hucusque praeualuit sententia. Quid enim conferre possit ad tollendum corneae tumorem, qui congestis exsiccatisque humoribus excitatur, nemo facile erit, qui intelligit.

Haud

*d)* v. ill. *Maladies des Yeux. Cap. de staphylomate.*

*e)* v. ill. *Obseru. sur l'Oeil, Cap. de staphylomate.*



Haud maioris momenti consilium est eorum, qui incidi corneam staphylomate adfectam iubent, sperantes fore, ut subsequens cicatrix constringat corneam praeter modum distentam. Recens autem corneae inflictum vulnusculum cito plerumque coit, nec cicatricem parit, nec facile suppurat, suppurare enim debet vulnus, ut cicatricem relinquat. Collabi quoque putant corneam elapso humore aqueo, tempusque nancisci, se constringendi. Sed ne id quidem sperari potest; coalito enim altero iam die vulnusculo, regeneratur humor aqueus, corneaque iterum intumescit. Certe rustico insigni staphylomate totali post ophthalmiam orto laboranti decies minimum incisione aperui corneam, et ne tantillum quidem repetita hac operatione profeci. Ceterum cum dilatatum praeter naturam hic nihil esse, superius iam probauerim, locum etiam hic non esse methodo, quae constringit, facile intelligitur.

Haud errant, qui medicamenta adstringentia adhibenda hic esse autumant; certe enim profunt haec remedia, quam-



uis non, uti plerique putant, constringendo corneam ad pristinos limites, sed dispellendo, qui in illa stagnant, humores. Bis nascentem suffocaui, morbum externo aquae frigidae, semel decocti corticis peruiani usu. Recenti autem tantummodo morbo hanc medelam conuenire, exspectari tantum ab his remediis aliquid posse, quamdiu tumida cornea mollis est, nil illa praestare posse contra adustum vel consenscentem morbum, ubi induruit cornea, exsiccati sunt quasi humores, qui illam distendunt, quis est, qui negabit?

Insigne auxilium offert aliorum quorundam methodus, qui ope lapidis infernalis, vlcusculum in cornea excitant, et fonticulum quasi corneae inurunt, qui aliquamdiu humiditatem plorans, morbum sensim consumit, euacuando spissos, quibus turget cornea, humores. Insigni cum successu hac methodo usus sum, illamque non solum praeternaturalem crassitiem corneae, sed etiam illius opacitatem sensim tollere obseruaui.

Affun-

Affunditur scilicet frustulo lapidis infernalis tantillum aquae, ut lique scat, et madefaciat paruum penicillum, cuius extrema cuspide dein inuritur corneae loco maxime tumenti et opaco vlcusculum, quod dein diu apertum seruatum, euacuat sensim, quicquid stagnat in cornea humorum. Repeti, si siccatur vlcusculum morbo nondum penitus sublato, operatio debet. Atque itaque quidem ter imò quater comburenda cornea est, donec morbus penitus euanescat.

Constringi vlcusculo, et inprimis subsequente cicatrice, corneam praeter modum extensam, putarunt illi, qui hanc methodum primo proposuerunt. Vis autem illa adstringens, quae huic methodo inesse dicitur, qualis sit, et unde nam oriatur, ego quidem vix intelligo, certe dubito, cicatriculam subsequentem aliquid hic proficere. Contra vero vlcusculum excitatum in parte, quae humoribus inertibus scatet, euacuare hos humores, et ita insignes inueteratos tumores chronicos durissimos saepe penitus discussisse, quis est, qui nescit? Atque

H-510 11, inde



inde quidem non solum modum, quo prodest remedium, sed etiam indolem morbi, in quo prodest, elucescere puto.

Nouam staphylomata sanandi methodum celebris Gallorum medicus JANINI<sup>f)</sup> nuperrime euulgauit. Medicamentum ille oculo illini iubet, acre, causticum, suspectae fidei in quibuscunque partium sensibilibus vitiis, *butyrum* scilicet antimonii, illudque nil noxae adferre oculo, vim corrodentem in hanc partem non exercere, staphylomacerte tollere, iterum iterumque ille affirmat. Rei nouitate, et JANINI auctoritate permotus, hoc remedio usus sum, atque cum successu quidem maxime egregio, qui spem omnem expectationemque superabat.

Aeger, cui hoc remedium tam mire profuit, puer erat octo annorum, cuius vterque oculus ingenti staphylomate post variolas orto affectus erat. Ad pollicis fere longitudinem vtraque cornea ex orbita prominebat, tota opaca, vasis rubris hinc inde distincta, genis incumbens, per-

<sup>f)</sup> v. ill. Observations sur l'Oeil.



perpetuoque attritu illis adeo molesta, ut tota palpebrae inferioris externa cutis, superiorque genae pars rubra excoxiataque esset. Sequenti vero modo remedio usus sum.

Vtraque palpebra ita retracta, ut metuendum non esset, ne orta sub irritatione oculi violentiori contractione e digitis elaberentur, paruum penicillum, quo pictores uti solent, butyro antimonii liquido humectavi, ita tamen, ut tantillum butyri illi adhaereret, quo tantum madesceret. Nimis enim si madet penicillum, causticam suam, quam continet, humiditatem subito per totam oculi superficiem diffundit, et acerbos dolores parit.

Corneae penicillum per aliquot momenta affricui, quo quidem tempore dolores se sentire aeger negabat. Confluentibus autem undiquaque lacrymis sensim diffluit, quae corneae inhaeret, acrimonia, et dolores ciere incipit, ubi statim spongia lacte madida diluendum et abstergendum est, quicquid inest oculo  
acri-

acrimoniae. Lac fane, simulatque mole-  
stum esse incipit medicamentum, facile  
coercet.

Post operationem saturninum aegro  
commendaui medicamentum, vt, quam  
metuebam, cauerem inflammationem.  
Doluit parum prima nocte oculus, mane  
bene valuit aeger, neque inflammatio  
orta est. Ter repetita operatione, quar-  
to scilicet, septimo et decimo die, ne  
vestigium quidem morbi die decimo quar-  
to supererat. Eximium itaque esse re-  
medium, quod Cel. JANIN proposuit,  
expertus affirmo.

Incommoda, quae metuenda ab illo  
esse videntur, non parit. Dolores non  
creat, nisi vbi diffluit, lacte tamen tunc  
facile consopios. Causticam vim in  
oculum non exercet, exesum enim vel  
corrosum aliquid esse, non vidi; discu-  
tiente potius virtute in hoc casu gaudere  
videtur.

Tuto quoque ad staphylomata scle-  
roticae, immo ad prolapsum iridis, adhi-  
beri

beri posse, Cel. JANIN affirmat. His in casibus illo nondum usus sum; utar vero certe prima data occasione. Ad recentem tamen prolapsum iridis tuto illud adhiberi posse, parum abest, quin dubitem; acriter enim plerumque dolet, inflammatur, acute sentit iris recenter prolapsa, ut vix sine damno insignem huius medicamenti stimulum ferre posse putem. Neque hic opus est illo remedio, leuiores enim plerumque sufficiunt; certe ego usu externo aluminis recentes hos iridis prolapsus saepe reduxi. Adultus vero si morbus est, butyri antimonii vsui locus forsitan erit; lenioribus enim tunc non facile cedit morbus remediis, sensimque sensibilem suam naturam iris prolapsa adeo exuit, ut comprimi et irritari sine damno possit.



## CAPUT VIII.

*De Polypis.*

**D**uplici polypos narium Chirurgia tollit methodo, vel ligatura illos separat, vel forcipe euellit. Postquam Cels. Gallorum Chirurgus LEVRET tam egregia ad applicandam ligaturam inuenit instrumenta, methodum illam applicandi, regulasque in hoc curationis genere obseruandas tam egregie exposuit; vnusquisque Chirurgorum priorem methodum, quae ligatura tollit polypum, tanquam mitiorem tutioremque, longe praefarendam esse arbitratus est posteriori, quae ope forcipis euellit polypum, et vi, quia agit, et insigni haemorrhagia, quam plerumque excitat, terrorem incutit.

Neutri vero subinde locum esse, ad aliam quandam methodum obliuioni hodie fere traditam, certe a plurimis posthaberi.

habitam, necessario aliquando confugiendum esse, expertus sum. Vir enim curae meae ante aliquod tempus se tradidit, qui insigni narium polypo laborabat. Pars anterior polypi partem narium anteriorem replens et ingentem in modum distendens, globum referebat durissimum, praemorsum, qui nec forcipe, rotundus enim penitus erat, prehendi, nec comprimi, durissimus enim erat, poterat, adeo ut instrumento, quo ligatura affertur, nullo modo, quicquid etiam tentarem, viam in nares parare, multo minus autem filum immittere possem.

Alterum autem insigne obstaculum ab haemorrhagia oriebatur, ad quam adeo pronus erat, ut quoties instrumentum polypum tangeret, vel sternutatione vel alio quouis modo leuiter tantum caput concutiebat, sanguis tanta copia statim prorumperet, ut nares repleret, operationemque turbaret. Summa haec ad haemorrhagiam pronitas, praemorsaque polypi figura, causticorum remedium usui, quibus per aliquod tempus consumere polypum empiricus studuerat, tribuen-



buenda erat. Abstinendum itaque penitus a methodo hac, a plerisque adeo laudata, erat.

Neque alteri methodo, qua euellitur polypus, locus hic erat. Aeger enim haemorrhagiis adeo frequentibus, ut a dimidio iam anno quouis fere die sanguinem perderet, ultimis hisce diebus irritis illis ligaturam adhibendi periculis imprimis iterato excitatis, adeo erat exhaustus, ut pedibus vix insistere sine lipothymia posset, i febre lente corripere, pedes oedematosos, faciem tumidam pallidam haberet. Exitium sine dubio sub hoc rerum flatu metuendum erat ab haemorrhagia insigni euulsioni necessario pedissequa. Alterum huic quoque methodo obstitit impedimentum. Scilicet rotunda, praemorfa, dura pars polypi anterior tam exacte nares occludebat, ut nec repelli, nec protrahi, nec prehendi quidem villo modo posset.

Culpam partim in forcipem, qua usus eram, conieci, quamvis illis, quibus plerique Chirurghi ad euellendum polypum



pum nasalem vtuntur, plane similis esset. Scilicet duplici sane labe vulgaris illa forceps ad polypum laborare mihi videtur. Primum, quod non solum in hoc casu, sed in aliis quoque animaduertere licuit vitium, hoc est. Dum forceps patulis brachiis in nares immittitur, et sensim magis introrsum propellitur, pars polypi anterior, quae inter vtrumque forcipis brachium est, adeo haec brachia sensim a se inuicem dimouet, vt extremae illarum partes tandem quam maxime a se inuicem distent, semper discedant eo magis a se inuicem, quo magis introrsum propellitur forceps, tandemque ad internas narium parietes adeo allidunt, vt profunde satis immitti forceps, et prehendi polypus prope radicem nullo modo possit. Immo pars polypi anterior, quae inter vtrumque brachium est, impedit, quo minus forceps claudatur, polypumqueprehendat.

Corrigendum itaque hoc vitium esse arbitror, forcipemque talem, qualem figura in Tabula adiecta monstrat, vulgari multo commodiorem et praestantio-

rem esse censeo. Ita enim fabrefacta forceps illa est, ut clauo, qui vtrumque forcipis brachium coniungit, extracto, dilabatur instrumentum in duas partes, atque itaque quodlibet brachium seorsim in nares immitti, immissumque dein ope clauī iterum coniungi possit; eodem, ut brevis sim, penitus modo, quo forceps illa LEVRETI ad extrahendum ex utero fetum immittitur et applicatur. Certissime instrumentum hoc modo fabrefactum et applicatum facilius profundiusque immitti potest, quam forceps vulgari modo adhibita.

Dein autem, ut claudi immissum instrumentum possit, radicemque polypi prehendere, et ne pars anterior polypi quae inter vtrumque brachium est, distendat brachia instrumenti, extrorsum incuruatum vtrumque brachium est, ut inter vtrumque spatium sit pro illa polypi parte, quae itaque iustum instrumenti usum nullo modo impedit. Atque illud quidem instrumentum, quale illud iam offero, correctum, annon vulgari praefereendum sit, artis magistris diiudicandum relinquo.

Cum

Cum itaque nec ligari, nec euelli polypus posset, de alio cogitandum erat remedio. Arrisit cauterium. Non ignorabam, parum a vulgari methodo cauterio vtendi hic expectandum esse, cum paruam tantum partem polypi, illam scilicet, quae antea in nare est, tangat, adeoque polypum plerumque irritet, vt eo ipso tempore, quo eschara prima cauterii applicatione inusta, supuratione separatur, plus succrescat iterum, quam demtum sit; eoque minus hic spes boni successus fouenda erat, cum ipsis his causticis diu iam ante iterum iterumque aeger vsus esset, nihilque praestiterat, quam vt parti polypi anteriori praemorsam hanc figuram rotundam, insignemque duritiem reddiderit.

Inde ego ita quidem cauterium applicandum esse credidi, vt totum semel et simul afficeret, inflammaret et in pus conuerteret polypum. Id quod sequenti ratione peregi. Tubulum chalybeum, amplum, crassum, pollicem vnum et dimidium longum, linteolis aqua frigida madidis obuolutum, ita in nares immisi, vt infe-



rius illius extremum mediae polypi parti anteriori infisteret. Dein per hunc tubulum acum triquetram TROICART dictam, qualem ad perforandam tunicam testiculi vaginalem hydrocele affectam adhibere solent, quatuor pollices longam, ignitam, in nares immissi, atque in ipsum polypum ad longitudinem duorum pollicum protrusi, et paullo post iterum extraxi. Quamuis narium ipsa interna superficies linteis carptis aqua madidis circumdata esset, factum tamen est, ut feruentis humiditatis aliquid deflueret, doloremque crearet.

Conquestus est aeger de insigni capitis dolore, febriculaque affectus est. Cumque ob alia negotia aegrum iam relinquere oporteret, Chirurgum expertum iussi iterato quotidie iniicere in nares liquorem emollientem, et quamdiu dolor et febricula adesset, lenia temperantia exhibere, victumque antifebrilem commendare.

Ille autem post octo dies literis de aegri valetudine certiorum me reddens,  
nar-

narravit, aegrum febre carere, satis bene valere, et ingentem puris copiam e naribus quotidie effluere. Pergendum esse duxi iniectionibus emollientibus; id quod etiam factum est. Post aliquod tempus adeo polypi volumen decreuisse, ut aeger iam per nares respirare possit, pus autem adhuc effluere, minori tamen copia, idem narravit. Qualis postea fuerit aegri valetudo, nescio.

Egregium puto fuisse in hoc casu cauterii effectum, neque in aliis pluribus casibus eiusmodi esse posse dubito. Sufficit, suppuratione, quam mouet, adeo minui polypi volumen, ut commodè iam vel euelli vel ligari, quod restat, possit. Immo fieri interdum posse nullus dubito, ut polypus suppuratione penitus consumatur, inprimis quando, ubi languescit suppuratio, excitatur iterum vel repetita cauterii adplicatione vel aliis acrioribus medicamentis. Opus tamen non est protracta hac suppuratione, cum ad necessarium gradum imminutus suppu-

ratione polypus commodius forsan ligetur vel euellatur.

Neque metuendum est, ne triquetra acus in nares imissa laedat aliquid in cauo narium, quod laedi sine periculo nequit, cum dilatatum plerumque valde sit cauum narium a polypo, vt acus iusta directione, et ad iustam longitudinem, quae est vnus vel alterius pollicis, immissa, non facile aliquid laedat.



---

# EXPLICATIO TABVLAE.

---

Fig. I. *Lanceola ad Tracheotomiam.*

Fig. II. *Forceps ad polypum narium extrahendum.*

---

---

# EXHIBIT NO. 1

---

THE STATE OF NEW YORK

IN SENATE,  
JANUARY 1, 1891.

---

